

醫宗必讀卷之五

雲間李中梓士材父著

門人黃寅錫清伯父叅
姪孫李廷芳蘅伯父訂

傷寒

黃帝曰熱病者皆傷寒之類也其死皆以六七日之間其愈皆

十日以上者何也冬寒之氣感而即病名曰傷寒不即病者寒毒藏於肌膚至春變為溫病至夏變為暑病

岐伯對曰巨陽者諸陽之屬也巨太也太陽為六經之長統攝陽分故諸陽皆其所屬其

脈連於風府故為諸陽主氣也風府督脉穴太陽經脉覆於人巔背之表故主諸陽之氣分

之傷於寒也則為病熱熱雖甚不死寒邪束於肌表則玄府閉寒散則熱退

其兩感於寒而病者必不免於死兩感者陰陽俱傷表裏同病也

故雖甚不死太陽與少陰同病則頭痛與口乾煩滿陽明與太陰同病則身熱譫言與腹滿不欲食少陽與厥陽同病則耳聾與囊縮而厥

三陰三陽俱受病水漿不入昏不知人六日當死也傷寒一日巨陽受之故頭項痛腰脊

醫宗必讀卷之五

雲間李中梓士材父著

門人黃寅錫清伯父叅
姪孫李廷芳蘅伯父訂

傷寒

黃帝曰熱病者皆傷寒之類也其死皆以六七日之間其愈皆

十日以上者何也冬寒之氣感而即病名曰傷寒不即病者寒毒藏於肌膚至春變為溫病至夏變為暑病

岐伯對曰巨陽者諸陽之屬也巨太也太陽為六經之長統攝陽分故諸陽皆其所屬其

脈連於風府故為諸陽主氣也風府督脉穴太陽經脉覆於人巔背之表故主諸陽之氣分

之傷於寒也則為病熱熱雖甚不死寒邪束於肌表則玄府閉寒散則熱退

其兩感於寒而病者必不免於死兩感者陰陽俱傷表裏同病也

故雖甚不死太陽與少陰同病則頭痛與口乾煩滿陽明與太陰同病則身熱譫言與腹滿不欲食少陽與厥陽同病則耳聾與囊縮而厥

三陰三陽俱受病水漿不入昏不知人六日當死也傷寒一日巨陽受之故頭項痛腰脊

強足太陽為三陽之表而脉連風府故傷寒者多從太陽始二

日陽明受之陽明主肉其脉俠鼻絡於目故身熱目疼而鼻乾

不得卧也胃不和則卧不安也三日少陽受之少陽主膽其脉循脇絡於

耳故胸脇痛而耳聾邪傳少陽者三陽已盡將入太陰故為半

屬少陽口苦咽乾脇下鞭滿乾嘔不能食往來寒熱蓋邪在陰則寒在陽則熱在半表半裏故寒熱俱見也三陽經

絡皆受其病而未入於藏者故可汗而已三陽為表屬府邪未入藏可汗而解四

日太陰受之太陰脉布胃中絡於噎故腹滿而噎乾邪在三陽

則傳三陰自太陰始也仲景曰脉浮而緩手足自温繫在太陰腹滿而吐食不下自利益甚腹自痛也五日少陰

受之少陰脉貫腎絡於肺繫舌本故口燥舌乾而渴腎屬水而熱邪涸之

故燥渴仲景曰少陰為病脉微細但欲寐也六日厥陰受之厥陰脉循陰器而絡於

肝故煩滿而囊縮至厥陰而六經傳編邪熱甚於陰分故煩滿

食食則吐衄下之利不止厥陰為病氣上撞心中痛飢不欲

此常序也東垣曰太陽經病若渴者自入於本也名曰傳本太

陽傳陽明者名巡經傳太陽傳少陽者名越經傳太陽傳少陰者名表裏傳太陽傳太陰者名誤下傳太陽傳厥陰者名巡經得度傳陶節庵曰或自太陽始曰傳一經六口至厥陰而愈者或不罷再傳者或間經傳者或傳二三經而止者或始終只在一經者或越經而傳者或初人太陽不發熱便入少陰而成陰證者或真中陰經者有兩經或三經齊病不傳者為合病有一經先病未盡又過一經之傳者為併病有太陽陽明合病有太陽少陽合病有少陽陽明合病有三陽合病若三陽與三陰合病即三陰三陽五藏六府皆受病營衛不行五藏不通則死矣

傳經已徧邪當漸解若過經而不解則深入於府府不解則深至一藏故五藏六府皆病邪盛於外則營衛不行氣竭於內則五藏不通所謂其死皆以六七日者如此劉草憲謂傷寒傳足不傳手其說蓋出此篇而誕妄實甚夫人之氣血運行周身豈邪遇手經而有不入者哉寒之傷人必生皮毛皮毛者肺之合故外則寒粟鼻塞內則喘嗽短氣非傳肺乎舌胎昏亂非傳心與胞絡乎洩瀉便秘結非傳大腸乎癰閉非傳小腸乎痞滿上下不通非傳三焦乎且本文云五藏六府皆病豈手經不亦內乎然經言傳變不及手經者何也足之六經可其不兩感盡周身上下之脈絡而手經已在其內不必復言矣

於寒者七日巨陽病衰頭痛少愈八日陽明病衰身熱少愈九日少陽病衰耳聾微聞十日太陰病衰腹減如故則思飲食十日

一日少陰病衰渴止不滿舌乾已而噫十二日厥陰病衰囊縱

少腹微下大氣皆去病日已矣所謂其愈皆十日以上者如此

者其說本於此不知經文為氣實者言也若正虛邪勝則帝曰

死譬如人溺洪濤不為援手而聽其自渡全活者幾希矣

治之奈何岐伯曰治之各通其藏脉病日衰已矣其未滿三日

者可汗而已其滿三日者可泄而已各通者言各明經脉隨證

表汗之而愈滿三日者其邪在裏下之而愈然此特道其常耳

正理論云脉大浮數在表可汗脉實沉數在裏可下故曰數雖

多有表證者必汗日數雖少有裏證者必

下第當以表裏為辨不可以日數拘也

愚按冬氣嚴寒萬類潛藏君子固密則不傷於寒固密者毋勞

爾形毋搖爾神形神並守偕行於閉蟄封藏之本者也一有不

謹而犯寒威則殺厲之毒乘於肌體冬月即發名正傷寒伏而

不發至春變溫至夏變熱變態不測殊可憂虞治之或差反掌

生殺自仲景以來名賢代起立言不患不詳患其多而惑也陶

節庵曰得其要領易於拾芥脉證與理而已求之多岐則支離
繁碎如涉海問津矣脉證者表裏陰陽虛實寒熱也理者知其
常通其變也多岐者蔓衍之方書也余有感於斯言約六法以
盡之曰汗吐下溫清補汗者治在表也而汗法有三一曰溫散
寒勝之時陰勝之藏陽氣不充則表不解雖身有大熱必用辛
溫一曰涼解炎熱熾盛表裏枯涸陰氣不營亦不能汗宜用辛
涼一曰平解病在陰陽之間既不可溫又不可涼但宜平用期
於解表而已吐者治其上也吐中有發散之意可去胸中之實
經曰在上者因而越之是也下者攻其裏也而下法有五痞滿
在氣燥實在血四證具者攻之宜峻也但見滿燥實者攻之稍
緩但見痞實者攻之更緩或行血畜或逐水停輕重緩急隨證
靈通也溫者溫其中也藏有寒邪不溫則死夫氣爲陽氣虛則

寒故溫卽是補又名救裏者以陽虛可危亟當救援也清者清其熱也有熱無結本非下證若不清之熱何由散下後餘邪亦宜清也補者救其虛也古人言之已詳今人畏而不用使傷寒犯虛者坐而待斃大可憾已如屢散而汗不解陰氣不能達也人知汗屬於陽升陽可以解表不知汗生於陰補陰可以發汗也又如內熱不解屢清而火不退陰不足也人知寒涼可以去熱不知壯水可以制火也又如正虛邪熾久而不痊補正則邪自除溫中則寒自散此必見衰微之陰脉者也傷寒論曰陰證得陽脉者生陽證得陰脉者死人皆奉其言未知釋其義夫正氣實者多見陽脉正氣虛者多見陰脉證之陽者假實也脉之陰者真虛也陳氏曰凡察陰證不論熱與不熱惟憑脉用藥至爲穩當不論浮沉大小但指下無力重按全無便是伏陰然則

沉小者人知爲陰脉不知浮大者亦有陰脉也是知傷寒雖具萬變虛實二字可以提綱正勝則愈邪勝則死正氣實者雖感大邪其病亦輕正氣虛者雖感微邪其病亦重氣實而病者攻之卽愈雖不服藥經盡卽安何足慮也所可慮者惟挾虛耳奈何庸淺之輩不察虛實但見發熱動手便攻虛而攻之無不死者且曰傷寒無補法謬之甚矣獨不觀仲景立三百九十七法而治虛寒者一百有奇垂一百一十三方而用人參桂附者八十有高東垣丹溪節菴亦有補中益氣回陽返本溫經益元等湯未嘗不補也謂傷寒無補法可乎夫實者不藥可愈虛者非治弗痊能察其虛而補救者握傷寒之要矣何必求之多岐哉

傷寒十六證傷寒者寒傷營血脉浮而緊頭痛發熱無汗惡寒傷風者風傷衛氣脉浮而緩頭痛發熱有汗惡風

傷寒見

風者既傷於寒復感風邪惡寒不躁其脉浮緩 傷風見寒者

既傷於風復感寒邪惡風煩躁其脉浮緊 以上四證皆冬月即病者 温病者

冬受寒邪來春乃發發熱頭疼不惡寒而渴脉浮數 温瘧者

冬受寒邪復感春寒 風温者冬受寒邪復感春風頭痛身熱

自汗身重嘿嘿欲眠語言難出四肢不收尺寸俱浮 温疫者

冬受寒邪復感春温時行之氣 温毒者冬受寒邪春令早熱

復感其邪 以上五證皆冬傷於寒而病發于春皆有温之名也 熱病者冬傷於寒至夏乃

發頭疼身熱惡寒其脉洪盛 傷暑者暑語為邪自汗煩渴身

熱脉虛 傷濕者感受濕邪身重而痛自汗身不甚熱兩脛逆

冷四肢沉重胸腹滿悶 風濕者既受濕氣復感風邪肢體重

痛額汗脉浮 瘧者身熱足寒頭項強急面赤目赤口噤頭搖

角弓反張若先受風邪復感於寒無汗惡寒為剛瘧先受風邪

復感於濕惡風有汗爲柔痙

類傷寒五症一曰痰中脘停痰憎寒發熱自汗胸滿但頭不痛
項不强與傷寒異耳一曰食積胃中停食發熱頭痛但身不痛
氣口緊盛與傷寒異耳一曰虛煩氣血俱虛煩躁發熱但身不
痛頭不痛不惡寒不浮緊與傷寒異耳一曰腳氣足受寒濕頭
痛身熱肢節痛便閉嘔逆但腳痛或腫滿或枯細與傷寒異耳
一曰內癰脉浮數當發熱而惡寒若有痛處飲食如常畜積有
膿也胸中痛而欬脉數咽乾不渴濁唾腥臭肺癰也小腹重按
之痛便數如淋汗出惡寒身皮甲錯腹皮腫急脉滑而數腸癰
也胃脘痛手不可近胃脉細人迎盛者胃脘癰也以人迎盛而
誤認傷寒禁其飲食必死

表證發熱惡寒惡風頭痛身痛腰脊強目痛鼻乾不眠胸脇痛

耳聾寒熱嘔脈浮而大或緊或緩有汗脈浮緩無力表虛也無汗脈浮緊表實也

裏證不惡寒反惡熱掌心腋下汗出腹中鞭滿大便不通腹痛

腹鳴自利小便如常譫語潮熱咽乾口渴舌乾煩滿囊縮而厥

唇青舌卷脈沉細或沉實腹鳴自利不渴唇青舌卷無熱惡寒下利清穀身痛脈沉微裏虛也腹中

鞭大便閉譫語潮熱腹痛不惡寒反惡熱譫語掌心脇下有汗咽燥腹滿裏實也表裏俱見屬半表半裏表裏俱無不可

汗下小柴胡湯隨證加減

陰證身靜氣短少息目不了了鼻中呼不出吸不入水漿不入

二便不禁面如刀割色青黑或喜向壁卧閉目不欲見人鼻氣

自冷唇口不紅或白或青或紫手足冷指甲青紫小使白或淡

黃大便不實手按重無大熱若陰重者冷透手也陰毒者腎

本虛寒或傷冷物或感寒邪或汗吐下後變成陰毒頭痛腹中

絞痛眼睛痛身體倦怠而不甚熱四肢逆冷額上手背有冷汗

恍惚身痛如被杖虛汗不止鄭聲嘔逆六脉沉微或尺衰寸盛
五日可治六七日不可治陰證似陽者煩躁面赤身熱咽痛
煩渴脉浮微手足冷大便洩小便清昏沉多眠又有身熱反欲
得衣口不渴指甲黑此陰盛於內真陽失守也

陽證身動氣高而喘目睛了了呼吸能往能來口鼻氣熱面赤
唇紅口乾舌燥譫語能飲涼水身輕如常小便赤大便閉手足

溫指甲紅陽毒者邪熱深重失汗失下或誤服熱藥熱毒散

漫舌卷焦黑鼻中如烟煤咽喉痛甚身面錦斑狂言直走踰垣

上屋登高而歌弃衣而走脉洪大滑促五日可治六七日不可

治或昏噤咬牙見鬼神吐膿血藥入卽吐陽證似陰者手足冷大便閉小便赤煩

悶昏迷不眠身寒卻不欲衣口渴指甲紅脉沉滑或四肢厥冷

陰厥脉沉弱指甲青而冷
陽厥脉沉滑指甲紅而溫此陽極於內真陰失守也

醫三少書

六經證治足太陽膀胱此經從頭頂貫腰脊故頭痛惡寒發熱
 脊強然風與寒常相因寒則傷營惡寒頭痛脉浮緊而無汗用
 麻黃湯開發腠理以散寒得汗而愈風則傷衛惡風頭痛脉浮
 緩而有汗用桂枝湯充塞腠理以散風止汗而愈若夫風寒兼
 受營衛俱傷用大青龍湯此三湯者冬月天寒腠密非辛溫不
 能發散故宜用也若春溫夏熱之證皆用羌活冲和湯辛涼解
 之傳至陽明則目痛鼻乾不眠以葛根湯升麻湯治之此經有
在經在
府之別如目痛鼻乾微惡寒身熱脉浮洪病在經也潮熱自汗
譫語發渴大便閉揭去衣被手揚足擲發斑發黃狂亂惡熱脉
沉數病在府也傳至少陽則寒熱而嘔胸痛脇痛口苦耳聾此為半表
 半裏之經表證多者小柴胡湯裏證急者大柴胡湯過此不已
 則傳陽明之府表證悉罷名為入裏惡熱譫語口燥咽乾不大
 便脉沉實如痞滿燥實四證皆具三焦俱傷宜大承氣湯但見

痞燥實三證邪在中焦宜調胃承氣湯不用枳樸恐傷上焦之
氣也但見痞實二證邪在上焦宜小承氣湯不用芒硝恐傷下
焦之血也小腹急大便黑小便不利如狂喜忘畜血證也宜桃
仁承氣湯傳至三陰四肢厥冷腸痛吐瀉口唾冷涎畏寒戰慄
面如刀割引衣踈臥脉見遲軟急宜溫之輕者理中湯重者四
逆湯或初病起不發熱便見寒證者名爲真中陰經亦以二湯
主之以上各經治法一見表證卽與汗之一見裏證卽與下之

一見虛寒卽與溫補但當以脉證爲據不可以日數爲拘也

可汗頭痛項強皮節腰背俱強身疼拘急惡寒發熱無汗脉浮
數或浮緊皆可汗若汗後不解仍發熱脉浮須再汗之

不可汗無表證者不可汗脉沉不可汗尺脉遲不可汗

脉微弱者雖惡寒不可汗咽中閉塞者不可汗諸動氣者

不可汗 淋家不可汗 亡血虛家不可汗 厥者不可汗

汗家不可重汗 太陽與少陽併病頭項強痛或眩冒心下痞

不可汗 脉弦細頭痛而熱屬少陽不可汗 昔范雲患傷寒時武帝有九錫之命

謂徐文伯曰可速愈乎文伯曰甚易但元氣不足恐二年後不復起耳雲曰朝聞道夕死可矣况二年乎遂以蒸法取汗而愈

後二年果卒虛者其可輕汗哉

可吐 病在膈上者可吐 汗下後虛煩懊憹者可吐

不可吐 脉虛不可吐 厥逆者不可吐 膈上寒乾嘔宜温不宜吐

可下 汗後不解邪傳胃府可下 潮熱腹痛脉實可下 陽明

多汗譫語有燥糞可下 潮熱手足腋下汗出譫語者可下

吐後腹滿可下 凡臍腹硬或痛不可按者可下 下後不解

臍腹硬痛可再下 結胸脉不浮可下 少陰病下利清水其

色青者心下必痛口乾者可下 大陽證熱結膀胱小便不利

小腹急結其人如狂者血畜也可下 陽明證其人喜忘大便

黑必有闕血可下 陽明無汗小便不利心中懊憹必發黃可下

不可下表未解者不可下 腹脹可按而減者不可下 諸虛

者不可下 陽微者不可下 咽中閉塞者不可下 諸動氣

者不可下 脉弱者不可下 脉浮大者不可下 小便清白

者不可下 陽明病面赤心下雖鞭滿不可下

用火法以火燒地布桃葉和葉亦可設席置病人於上卽汗出 或

醋炒香附熱慰胸背卽汗 或置火於牀下 或艾灸

用水法傷寒思飲水爲欲愈若不與則不愈若恣飲則水停宜

以新汲水少與之待再思再與 熱甚者以青布浸新汲水中

置病人胸前熱則易之甚者置病人於水中或浸手足或漱口

若表未解及陰證似陽者忌之

發熱翕翕而熱者表也羌活沖和湯蒸蒸而熱者裏也輕者大柴胡湯重者承氣

半表半裏者表裏俱熱而輕於純在裏也胡湯至於三陰發

熱則有腹痛肢冷脉沉下利為異四逆湯潮熱屬陽明一日一發

日晡而作陽明內實也大便鞭者承氣湯表未罷者小柴胡湯煩熱兼

渴者竹葉石膏湯心煩不眠酸棗仁湯煩而心悸小建中湯煩而悶者梔子豉湯熱

者白虎湯寒者附子湯

惡寒不見風亦惡寒身雖熱不欲去衣被發熱惡寒者陽也羌活沖和湯無熱惡寒者

陰也理中湯下證悉具微惡寒者表未解也先解表而後攻裏

下後不解發熱而渴惡寒白虎湯惡寒而嘔心下痞者五苓散汗後

惡寒虛也芍藥附子甘草湯背惡寒表未解也葛根湯背惡寒而潮熱柴胡

加桂湯口渴心煩背微惡寒白虎加人參湯背惡寒潮熱腹滿小承氣湯少陰

病口中和背惡寒附子湯汗後不解反背惡寒者虛也芍藥甘草附子湯

惡風

密室無風不惡

太陽惡風無汗而喘

麻黃湯

有汗

桂枝湯

吐下後不解

表裏俱熱時時惡風燥渴而煩

白虎加人參湯

汗多亡陽惡風者

桂枝湯

自汗惡風寒者

桂枝湯

惡寒自汗表虛也

小建中湯或黃耆建中湯

自汗不惡

風寒表證罷裏證實也

承氣湯

汗多小便利必津液竭大便雖鞭

不可攻宜蜜導

用蜜於銅器中微火煎稍凝攪之勿令焦皂角末少許和之乘熱捻作棗子樣冷納谷道中欲

大便急去之

自汗而渴小便難

五苓散

汗多不止曰亡陽

桂枝附子湯外用白朮蒿

本川芎白芷各一兩牡蠣粉各二兩細末紗囊周身撲之

盜汗在半表半裏膽有熱也

小柴胡湯

頭汗者熱不得越陽氣上騰譫語

承氣湯

心下滿頭汗出水結胸

也 小半夏

頭汗出齊頸而還發黃也

茵陳五苓散

頭汗出小便難者

死 手足汗大便燥譫語

大承氣湯

寒不能食小便利水穀不分

手足汗者

理中湯

頭痛

太陰少陰有身熱無頭痛厥陰有頭痛無身熱若身熱又頭痛屬陽經也

頭痛發熱無汗惡寒

麻黃

湯

沖和

湯

脈大痰厥也

瓜蒂

散

厥陰頭痛嘔而吐沫

吳茱萸湯

厥陰頭痛脈微遲

為欲愈如不愈

中湯

陽明頭痛

不惡寒微惡熱不大便

調胃承氣湯

身痛

太陽脈浮身痛無汗

麻黃湯

陽明下證已見但身痛者表未

解也

麻黃湯

發熱有汗身痛

桂枝湯

陽明脈浮身痛

葛根湯

大便六七日不通頭痛有熱小便清者不在裏仍在表羌活

頭痛甚者必衄葛根葱白湯

少陽頭痛小柴胡湯

頭痛寒熱寸

脈大痰厥也瓜蒂散

厥陰頭痛嘔而吐沫吳茱萸湯

厥陰頭痛脈微遲

為欲愈如不愈中湯

陽明頭痛

不惡寒微惡熱不大便調胃承氣湯

身痛

太陽脈浮身痛無汗麻黃湯

陽明下證已見但身痛者表未

解也麻黃湯

發熱有汗身痛桂枝湯

陽明脈浮身痛葛根湯

汗後脈沉

遲身痛血虛也黃耆建中湯

陰毒嘔逆下利身痛如被杖唇青面黑

甘草四

一身盡痛發熱惡寒桂枝湯

一身盡痛發熱黃頭汗

出背強小便不利溼

便反利甘草附子湯

一身盡痛發熱發黃頭汗出背強小便不利溼

也茵陳五苓散

一身盡痛發熱黃熱結瘀血也

抵當湯

筋惕肉瞤汗多亡陽筋肉失養故惕惕瞤動

瞤動兼肢冷者真武湯

輕者茯苓桂枝白朮湯

汗吐下後見此者先服防風白朮牡蠣湯次服小建中湯

胸脇滿胸滿多表證葛根湯喘而胸滿麻黃杏仁膏湯脇下痞中利

棗加牡蠣胸脇俱滿或鞭痛或嘔或不大便舌上白胎但小柴胡湯邪在

胸汗下之而煩熱梔子豉湯胸中痞鞭氣上冲喉寒也瓜蒂散陽明少

陽合病下利身熱脇痛大柴胡湯汗後頭痛心痞脇滿十棗湯

結胸病發於陽而反下之熱入裏作結胸脈浮者先以小柴胡解表然後下之

按之則痛小結胸也小陷胸湯不按亦痛大結胸也大陷胸湯懊懽躁渴

實熱結胸也三黃瀉心湯血結胸者小腹滿小便不利抵當湯飲水不

散水結胸也小半夏湯用陷胸等藥不效者枳實理中丸煩亂欲死宜

水瀆法凝雪湯瀆布瀆胸中熱除為度

痞滿而不痛病名曰痞病發於陰而反下之因作痞也輕者通用枳桔湯胸滿脈濡半夏瀉心湯

手足溫按之濡關上浮者黃連瀉心湯乾嘔有水氣生薑瀉心湯下利腹

鳴甘草瀉心湯胃寒欬逆理中湯關脈沉緊大柴胡湯

大腹滿六七日不大便腹滿常痛者承氣湯腹滿時痛者桂枝芍藥湯

腹滿吐食枳桔理中湯汗後脹滿厚朴半夏甘草入參湯腹滿漉漉有聲水與

氣也半夏茯苓湯加桂枝

小腹痛邪氣小腹痛滿為有物小腹痛小便利畜血也重者桃仁承氣湯輕

者犀角地黃湯小腹痛鞭滿小便自利發狂者抵當湯小腹痛手足厥冷武

不結胸小腹痛按之痛冷結也炙關元穴

腹痛陽邪痛者其痛不常按而痛甚為實右關脈實腹痛便

閉承氣湯下之早因而腹痛小建中湯陽脈濇陰脈弦腹痛洩利建中湯

桂枝芍藥湯少陰厥逆或利而效四逆加五味子乾薑湯厥陰小腹痛當歸四逆湯

咽痛少陰證也不可汗不可下甘桔湯為陰陽俱緊主無汗有

汗曰亡陽屬少陰當咽痛猪膚湯陽毒咽痛口瘡赤爛升麻六物湯或蜜浸

黃連非時暴寒附於少陰之經脈弱咽痛必下利先用半夏桂

汁噲甘湯次服四

逆湯下利咽痛手足徹冷無熱者理中湯

脇痛往來寒熱脇痛胸痛小此胡湯身涼表證罷乾嘔脇痛有

水也十棗湯

呃逆仲景作欬逆即此脈微細呃逆胃寒也橘皮乾薑半夏生薑湯丁香柿蒂湯

脈洪大而呃心火上奔肺不得納甘草湯服藥無效用煎法

乳香等分爲末酒煎未酒煎失下呃逆大便實者小承氣湯

嘔吐噦嘔者聲物俱出吐者無聲出物噦者有聲無物 太陽

陽明合病當自利若不利但嘔葛根湯少陽有嘔證小柴胡湯嘔而

渴者茯苓湯先渴後嘔水停心下赤茯苓湯先嘔後渴此爲欲解當

飲水後餘熱在胃而嘔者竹葉湯太陽少陽合病自利而嘔黃

薑湯半夏生薑湯寒熱嘔而不渴薑附湯嘔而發熱心下急微煩大柴胡湯胸中

有熱胃中有邪陰陽不交腹痛欲吐黃連湯三陽發熱

醫宗必讀 卷五傷寒 七

而吐俱用小柴胡湯發熱六七日不解煩渴欲飲水入即吐五苓散虛熱

少氣氣逆欲吐竹葉石膏湯寒多而吐理中湯不飲而吐理中湯去木加生薑汗

下後胃虛冷吐乾薑黃連黃芩人參湯少陰吐者真武去附子加生薑吐逆二便秘

厥逆無脉大承氣湯心下有水氣乾嘔身熱微喘或自利小青龙湯不發

熱不惡寒肋痛乾嘔十棗湯自汗頭痛乾嘔桂枝湯乾嘔自利黃芩半夏

生薑裏寒外熱脉微欲絕乾嘔通脈四逆湯

咳嗽有聲無痰曰咳有痰有聲曰嗽太陽證罷表未解心下有水氣乾嘔發熱

而咳小青龙湯太陽發熱咳嗽上同太陽發熱嘔噦而咳小柴胡湯少陽

寒熱往來咳嗽胸脇滿或泄利小柴胡去參棗加五味子乾薑少陰咳嗽真武湯

少陰腹痛小便不利四肢沉重咳嗽者水氣也真武湯加五味子細辛乾薑

喘太陽無汗而喘 太陽陽明合病胸滿而喘俱麻黃湯邪氣壅盛

而喘雖汗而喘不已宜再發之麻黃杏子石膏湯誤下太陽利不止喘

而有汗脉促葛根黃連黃芩湯太陽汗後飲多水停而喘小青龍湯去麻黃加杏仁

小腹滿加茯苓太陽下之微喘表未解也桂枝湯加厚朴杏仁水停心下氣乘

心為悸為喘五苓散陰喘脉伏而逆理中湯四逆湯喘而氣促腹滿勞湯

煩躁太陽中風脉浮緊發熱惡寒身痛無汗煩躁大青龍湯煩躁消

渴辰砂五苓散下利咳嘔煩躁猪苓湯下利咽痛胸滿而煩猪膚湯自汗

煩躁小便多芍藥甘草湯少陰心煩不卧黃連雞子湯少陰吐利手足厥

冷煩躁欲死吳茱萸湯下後復發汗晝則煩躁夜則安靜不渴無熱

乾薑附子甘草湯六七日無大熱陰盛隔陽身冷脉細煩躁不飲水震

散陰躁欲坐井中薑附湯

懊懣懊者煩惱懣者鬱悶汗吐下後虛煩不眠甚則懊懣梔子鼓湯

陽明脉浮咽燥腹滿而喘發熱汗出惡熱懊懣梔子鼓湯陽明病下

後懊懣有燥屎承氣湯短氣煩躁懊懣大陷胸湯陽明無汗小便不利

醫宗心讀 卷五 傷寒 七

懊懍發黃茵陳蒿湯

戰慄戰者身動慄者慄而不戰陰盛陽虛薑附四逆湯

悸心中築築然脈結代心悸炙甘草湯傷寒三四日心悸而煩小建中湯

汗發過多心悸喜按桂枝甘草湯心神不寧怔忡不卧安神丸少陰病

厥逆心下悸四逆散加桂飲水多而悸雖有他邪亦先治水茯苓甘草湯

寒熱心悸小便不利心煩喜嘔小柴胡湯少陽發汗譫語悸動小柴胡湯

渴或因熱耗津液或因汗下過多太陽脈弦而渴小柴胡加天花粉太陽表不解有水

氣而渴小青龍去半夏加瓜蒌湯脇下痛手足溫而渴小柴胡去半夏加人參天花粉厥陰

病消渴氣上冲心茯苓白朮甘草桂四物湯汗下後寒熱胸脇滿小便不利

頭汗心煩渴而不嘔柴胡桂枝乾薑湯太陽脈浮而渴桂枝湯脈浮發熱

渴欲飲水小便不利猪苓湯少陰下利咳而嘔渴煩不得眠猪苓湯

多不汗吐下後六七日不解表裏俱熱惡風大渴白虎加人參湯汗後

可服

脉大而渴白虎加人參湯夏至左右虛煩而渴發熱不惡寒竹葉石膏湯

便不利而渴必發黃茵陳五苓散少陰自利而渴小便清利下焦虛

寒甘草乾薑湯心煩但欲寐或自利而渴少陰也理中湯陽明脉長而

實有汗而渴承氣湯脉沉滑熱實煩躁而渴大陷胸湯

口燥咽乾引飲曰渴不引飲曰燥乾少陽邪在中焦口苦舌乾不甚渴脉弦

小柴胡湯口乾脉浮緊微數白虎加人參湯陽明無大熱背惡寒口燥咽乾

上方同少陰病二三日口燥咽乾急下之大承氣湯

漱水不欲嚥此證屬陽熱熱在經不在府也陽明身熱頭痛脉微漱水不欲嚥

必發衄犀角地黃湯外證無寒熱漱水不欲嚥必發狂此畜血

也桃仁承氣湯甚者抵當湯

發狂熱毒在胃併子心神志不定而狂少卧不六七日未得汗

脉洪數面赤目腫大熱煩躁狂言欲走葶藶上屋酒湯陽毒發狂斑爛

醫宗必讀 卷五 傷寒 十三

譫語升麻湯

火劫汗多亡陽煩躁驚狂

金匱風引湯柴胡湯加龍骨牡蠣

三陽熱

極脉大身熱渴而狂

黃連解毒湯甚者承氣湯汗吐下後虛者人參白虎湯加辰砂

陽毒發狂

眼赤脉洪口渴渴

三黃石膏湯

血上逆則喜忘血下畜則如狂

輕者犀角地黃

湯重者

抵當湯脉弦長而狂

調胃承氣湯

陽勝陰絕發狂譫妄面赤咽痛發

斑脉洪實或滑促宜酸苦之藥收陰抑陽大汗而解

葶藶苦酒生艾湯

譫語

胃熱乘心神識昏冒妄言不休實則譫語虛則鄭聲譫語者數數更端聲高脉實鄭聲者只將一事一語鄭重諄復

聲低脉微極當明辨

已發汗身和譫語

柴胡桂枝湯 婦人經水適來熱入血室

譫語

小柴胡湯

譫語不惡寒反惡熱

白虎湯

煩躁不眠

白虎加梔子湯

三陽合

病腹滿身重口中不和面垢譫語遺尿脉滑實不可下

白虎湯 腹

滿微喘口乾咽爛或不大便譫語是因火劫

白虎湯

身熱汗出胃

實譫語或下利譫語

調胃承氣湯

下利譫語必有燥屎

承氣湯

譫語小

便利大便實小腹滿手不可近為瘀血

抵當湯

鄭聲脉微自利厥

逆白通湯氣虛獨言脉細弱者理中湯

自利太陽與陽明合病自利葛根湯者加半夏嘔太陽與少陽合病自利

黃芩湯自利而渴屬少陰白虎湯自利下血柏皮湯少陰腎虛客熱下

利咽痛胸滿心煩猪膚湯協熱自利臍下必熱白頭翁湯温毒下利膿

血桃花湯下後脉數不解自利不止必協熱當使膿血犀角地黃湯自

利不渴屬太陰理中湯自利清穀脉微白通湯自利腹寒痛手足

冷理中湯或吳茱萸湯自利不止裏寒下脫桃花湯赤石脂禹餘糧湯

鬱冒鬱結而氣不舒太陽誤下利不止復發汗表裏俱虛鬱冒

積形吐下後復發汗又與水噦而冒理中湯熱而鬱冒不得卧有

燥屎調胃承氣湯

痙瘲熱極生風風主動故痙瘲痙瘲則筋急而汗出時蓋覆不周

腰背手足搖擗牛旁根湯脉浮數有風熱防風通聖散血不養筋大秦

動氣藏氣不調肌膚間築跳動隨藏所主而見于臍之左右

下皆不宜汗下此證須手探之切勿忽也四旁有動氣保命四

剛瘧柔瘧太陽中風重感寒溼而致也大發溼家汗則成瘧新

之必發瘧經曰身熱足寒頭項強急惡寒頭熱面赤背反張口

瘧脈沉細如發痲狀是也若先受風復感寒無汗惡寒為剛瘧

先受風復感溼惡風有汗為柔瘧仰面開目為陽合面閉目為

陰燥渴為陽口中和為陰脈浮緊數為陽沉細濇為陰陽瘧易

治陰瘧通用小續命湯剛瘧去陰瘧厥逆筋脈拘急汗多桂心

散閉目合眼附子防胸滿口噤臥不着席咬牙攣急大承頭項

強小腹痛五苓風盛血燥防風當

手足厥逆四肢冷謂之四厥逆脈沉細踈臥惡寒引衣自覆不

飲水下利清穀四逆脈不至者通脈四脈遲弱理中手足指微

冷謂之清湯理中寒熱而厥面色不澤用綿衣包手足溫大汗而

解急服五味少陰病吐利厥逆煩躁欲死吳茱萸厥而自熱黃耆

建中 厥而渴者白虎湯 厥而悸先治其水茯苓甘草湯 厥而惡熱不眠

譫語白虎湯 諸陽受氣于胸邪客則陽氣不舒手足厥逆脉乍緊

心滿而煩病在胸中當吐之瓜蒂散 先發熱而後厥者手揚足擲

煩躁飲水畏熱大便秘小便赤悌鬱大抵熱深厥亦深脉沉滑

頭面有汗指甲溫皆伏熱也大小承氣湯

頭眩上虛則眩 半表半裏表中陽虛目眩葛根湯 風家多頭眩葛根湯 口

苦咽乾頭眩小柴胡湯 陽明頭眩不惡寒能食而欬茯苓白朮甘草乾薑湯 太

陽病發汗汗不止眩冒身閏動振振欲僻地真武湯

衄血鼻血出也 太陽病衄血及服桂枝後衄者為欲解犀角地黃湯 脉浮

大發熱下利鼻衄乾嘔黃芩芍藥湯 衄煩渴欲飲水水入即吐先服五苓散

散次服竹葉石膏湯 自利而衄麻黃升麻湯 少陰病但厥無汗而強發之必衄

名下厥上竭為難治當歸四逆湯 汗後熱退鼻血不止新汲井水

草紙數層貼頂上及項脊溫則易必止

吐血當汗不汗熱毒深入故吐血內有瘀積桃仁承氣湯抵當湯服桂枝

後吐血犀角地黃湯或栝枝湯血紫黑成塊脉遲細口不渴小便清理中湯加丹皮

畜血太陽病不解熱結膀胱發狂血自下桂枝湯熱在下焦小腹

急滿小便自利其人如狂桃仁承氣湯抵當湯

下血太陽病不解其人如狂熱結膀胱血自下者愈若不愈桂枝湯

湯小腹急滿抵當湯少陰下血桃花湯腹滿身熱下膿血黃連阿膠湯地榆散

小便不利已汗復下小便不利心煩小柴胡湯太陽汗後脉浮小便

不利微熱而渴五苓散身黃小便不利腹微滿者茵陳蒿湯小便不利

大便乍難乍易微熱有燥屎也承氣湯潮熱大便泄小便不利柴苓湯

湯風濕自汗身重小便不利甘草附子湯熱鬱不通田螺搗朴硝少加麝如泥貼臍

上寒鬱不通炒鹽熨臍下

小便自利桂枝茯苓湯太陽病小便自利以飲水多心下悸甘草湯身黃

小便當不利今反自利其人如狂下焦畜血抵當湯熱而小腹滿

應小便不利今反自利畜血也抵當湯二便俱利脉沉遲四逆湯

小便數頻來而短少也太陽汗吐後小便數譫語調胃承氣湯太陽自汗四

肢拘急心煩微惡寒小便數甘草乾薑湯芍藥甘草湯

發黃發熱身盡痛面目俱黃太陽中溼連翹赤小豆湯熱不去瘀血在

裏面黃小便微利麻黃連翹赤小豆湯往來寒熱身痛發黃小柴胡加梔子湯發

熱頭汗渴欲飲水小便利大便快發黃五苓散加茵陳湯小便不利四

肢沉重似瘧不欲飲茵陳五苓散傷冷脉虛小便如常變為陰黃理中

加茵陳湯下之太過脾虛津竭飲水自傷此陰濕變黃茵陳茯苓湯茵陳四逆湯

發斑熱甚傷血裏實表虛發為斑也斑見紫黑者十死一生或陽證誤溫或當汗失汗當下失下或汗下未解或下早熱

邪入胃或下遲熱陽毒結熱舌卷焦黑鼻如烟煤狂言見鬼面

留胃中皆發斑陽毒結熱

醫宗必讀

卷五傷寒

七

赤錦班陽毒升

赤班咽痛立參升

表證多者

防風通聖散去硝

斑出咽痛

猪膽雞子湯紫

赤班大青四逆湯

通用

升麻湯犀角地黃湯黃連四物湯

冬煖受邪至春發斑溫毒也

黑膏化毒丹以上皆解毒

溫毒煩渴便實腹痛

赤斑承氣湯

汗下虛極發斑

白虎湯加人參白木

狐惑

失汗所致食少胃空五藏故唇口生瘡舌食其藏則上唇生瘡為惑更食其肛則上唇生瘡為狐其喉齒燦聲

啞惡食面目乍赤乍白乍黑舌

清熱黃連犀角湯

聲啞桃仁

殺雄黃

銳散為膏

網穀道中

多眠太陽病脉細多眠外已解也

小柴胡湯

尺寸沉細但欲寐者少

陰證也

四逆湯

陽脉浮滑陰脉濡弱多汗或發汗後身猶灼熱喘

息多眠風溫也

萎蕤湯

不得眠

眠安臥也

吐下後不眠

酸棗仁湯

吐下後懊憹不眠

梔子鼓湯

大熱嘔

錯語不眠

黃連解毒湯

少陰病二三日以上心煩不眠

黃連雞子湯

太陽

太陽

大汗胃乾不眠欲飲水者少少與之若下後渴而不眠猪苓湯

浮小便不利不眠五苓散下後復發汗不眠無表證脉沉乾薑附子湯

短氣呼吸短促不能接續似喘而不搖肩似呻吟而無痛汗出不徹故短氣葛根加人參湯腹滿

短氣邪在表為虛甘草附子湯風濕相搏汗出短氣小便不利惡風

不欲去衣甘草附子湯水停心下短氣五苓散乾嘔短氣汗出不惡寒

此表解裏未和十棗湯太陽下之早心下硬結胸短氣大陷胸湯

甄厥藏寒故食即吐也胃中虛冷理中丸或四逆湯吐涎而渴理中湯加大黃

入蜜和之

百合病似寒無寒似熱不熱飲食不食欲卧不卧欲行不行嘿不知所若如鬼狀小便赤病後失調攻下非法故

成百小柴胡湯加百合血熱百合地黃湯一月不解而渴百合

水二十碗漬宿煮熱浴身

陰陽易男病新瘥女與之交日陽易女病新瘥男與之交日陰易細考之即女勞復也有謂男病愈後因交而女病女

醫宗金鑑

病愈後因交而男病於理未然古今未嘗見此證也證狀體重少氣少腹裏急或引陰中拘攣熱上冲胸頭重不欲舉眼中生花膝脛拘急通用水調方寸七口三服女病用男新瘥後大虛

因交復作垂死獨參湯調燒散多有古用糞湯寒者當歸白

勞復非但強力持重若梳沐脈虛者補中益氣湯挾外證者則

謂之復非為勞也小柴胡湯

食復新瘥胃虛食稍多則腹滿脈實煩熱便秘大柴胡湯輕者

麥芽砂消導後熱不退補中益氣湯

過經不解十二日當愈不愈潮熱者實也先與小柴胡外嘔微

煩大柴胡湯過經譫語脈實當下調胃承氣湯

汗後不解或表邪未盡或邪傳裏或邪氣乘虛內客汗後脈大如瘧狀再汗之麻黃

汗後心下痞嘔吐不和大柴胡湯大汗大渴煩而脈大白虎加汗

後惡熱脈實調胃承氣湯汗後不可更行桂枝汗出而喘無大熱者

麻黃杏仁 甘草湯 太陽大汗出胃乾不眠欲飲水者少少與之若脈

小便不利微熱消渴 五苓散 汗後脈洪數煩渴 五苓散 汗後脹滿 厚朴

生薑人 汗過多心悸發顛 桂枝甘草湯 汗後惡寒表虛也脈細神倦

芍藥甘草 附子湯 大陽汗出不解發熱心悸肉瞤 真武湯 汗後身痛脈沉

桂枝加芍 藥人參湯 汗後熱不去內拘急四肢疼下利惡寒 四逆湯 汗後臍

下悸欲作奔豚 桂枝甘草大棗湯

下後不解下後熱不去心中結痛 梔子散湯 下後心煩腹滿卧起不

安 梔子厚朴湯 太陽桂枝證誤下之利不止脈促喘而汗出表未解

葛根湯黃 連黃芩湯 陽明下之心下懊憹 梔子散湯 有燥屎 大承氣湯 太陽下後脈

促胸滿 桂枝芍藥湯 大下後脈沉遲厥逆下利咽喉不利吐膿血難

治 麻黃升麻湯

合病 兩經三經齊病 三陽合病腹滿身重口中不和譫語遺尿

醫宗必讀 卷五傷寒 六

不可汗下白虎湯 太陽陽明合病脉浮長大便秘者脾約丸

升麻葛根湯 不惡寒反惡熱大便通者白虎湯大便秘澀者調胃承氣湯 喘而胸滿不可

下麻黃湯 嘔不下利葛根湯 太陽少陽合病脉浮弦脇下鞭往來

寒熱小柴胡湯 自下利者黃芩湯 嘔者黃芩加半夏湯 少陽陽明合病脉弦

長因發汗因利小便胃中燥實調胃承氣湯 脉長自利者為順滑而

數者為負有宿食大承氣湯 者冠賊也

併病一經先病未盡又過一經之傳者為併病或始則二陽合病後則一陽病衰一陽邪盛歸併於一經二者皆併病也

太陽陽明併病太陽病發汗不徹轉屬陽明續自微汗出不惡

寒若面色怫鬱痛無常處是陽明復併歸太陽當再汗麻黃湯 太

陽證未罷桂枝麻黃各半湯 太陽證罷但見陽明證者下之大承氣湯 太陽

少陽併病頭痛太陽 眩胃心下痞當刺肺俞 慎勿下 太陽不勝

陽明不負不相尅為順 少陽脉勝陽明脉負鬼賊相尅為逆

兩感日傳二經陰陽俱病也表裏不可東垣以氣實而感之淺

者猶或可治活湯

舌胎邪在表者舌上無胎半表半裏白胎而陽明病脇下鞭滿

而喘發熱汗出不大便而嘔舌上曰胎者小柴胡湯脈陰陽俱緊舌

上滑胎小柴胡去半夏加人參熱聚於胃則舌黃承氣湯舌純黑

有二種皆死證也有火極似水者為熱極大承氣湯有水來尅火者

為寒極脈證必寒附子理中湯七八日不解熱結在裏表裏俱熱時

時惡風舌燥欲飲水數升白虎湯

瘥後昏沉因發汗不透餘毒在心胞絡也發汗出時蓋覆不周則汗出不均腰

背手足搐搦或冷或熱斗旁根散瘥後腰已下有水氣者牡蠣澤瀉散

摘陶氏十法

發狂難制以醋炭氣入鼻即定方可察其陰陽初病起頭痛發

熱傳裏時熱極發狂當下之 初病起頭不痛身微熱面赤
煩躁欲坐卧涼水中陰極似陽當溫之 須察脉來有力無
力此爲良法

腹中痛甚將涼水一碗與病人飲之其痛稍減者屬熱當涼之
涼之不愈渴而大便實者下之若小腹痛大便黑小便利身
目黃者瀉血也行血藥下之 若飲水痛增者屬寒當溫之
須察脉來有力無力此爲良法

寒證脉伏或吐瀉脫而無脉以薑汁好酒各半盞與病人服脉
出者生不出者死更覆手取之而無脉則絕矣

舌上有胎不拘何色用井水浸新青布拭淨後用生薑浸水刮
之或以薄荷爲末入蜜少許刷牙擦之 若發黃者生薑渣
周身擦之卽退

鼻衄不止山梔炒黑爲末吹鼻中外用濕草紙搭於鼻冲血止
熱邪傳裏服藥後將監炒麩皮一升絹包於病人腹上慰之藥
氣得熱則行大便易通

吐血不止韭汁磨墨呷之如無韭汁雞子清亦可赤屬火黑屬
水有相制之理也

陰毒昏不知人四肢如冰唇青甲黑藥不得入將葱一握束縛
切去根葉留白三寸如餅先將麝香半分填於臍內後加葱
餅於上以火慰之爛卽易納三餅後稍醒先灌薑汁後服薑
附湯如不醒再灸關元穴三十壯不醒者必死

熱邪亢極黃連一兩煎水一碗放井中待冷浸新青布搭胸上
稍熱卽易熱勢稍減卽止夏月方用此法

服藥卽吐者將生薑汁半盞熱飲吐卽止 大抵服寒藥熱飲

熱藥寒飲中和之劑溫飲

傷寒死候陽證見陰脉者死

陰陽毒過六七日者死

脉浮

而滑身汗如油水漿不入喘息不休身體不仁者死

咳逆

上氣脉散者死

陽反獨留體如烟薰直視搖頭心絕

汗

出髮潤而喘肺絕

唇反青四肢汗出肝絕

環口黧黑

虛寒發黃脾絕

脉緊盛汗出不解者死

尺寸俱虛熱不

止者死

身熱喘急脉陽而躁者死

大發濕家汗則瘥熱

而瘥者死

發少陽汗則譫語發少陰汗則動血謂之下厥

上竭者死

發動氣汗者死

發風溫汗者死

發濕溫汗

曰重喝死

汗後不爲汗衰謂之陰陽交者死

不得汗者

死

發熱脉躁疾狂言不能食謂之三死

咳逆不止者死

藏結者死

結胸證舌有白胎也

舌卷囊縮者死

脉代者死

少陰

吐利煩躁四逆者死 結胸證悉具煩躁者死 發厥至七
八日膚冷而躁無時暫安曰藏厥死 少陽與陽明合病脉
長大而弦曰負者死 陰陽易病頭重眼花四肢拘急小腹
絞痛手足攣痛離經脉見者死 厥而下利當不能食反能
食者除中死 少陰病厥逆無脉與白通猪膽湯脉暴出者
死 脉陰陽俱虛熱不止者死 七八日以上大發熱者死
脉候浮濇而緊爲傷寒 浮而緊者表實可汗 浮而緩弱表
虛宜救 沉數或疾滑或沉實裏實可下 沉細微遲軟裏虛
可溫 中候而數爲胃實 中候而遲爲胃虛 寸口沉細無
力爲陽中伏陰 尺部沉數有力爲陰中伏陽 寸部數大有
力爲重陽 尺部遲細無力爲重陰 寸脉微細爲脫陽 尺
部無力爲脫陰 寸脉弱者忌吐 尺脉弱者忌下 純弦之

脉名曰負死脉也。陰病見陽脉者生。浮數動陽病見陰脉者

死。沉瀆弱弦微結促濡死。緩緊遲芤散革代。無代為重

醫案

社友韓茂遠傷寒九日以來口不能言目不能視體不能動四

肢俱冷衆皆口陰證比余診之六脉皆無以手按腹兩手護之

肩斂作楚按其跌陽大而有力乃知腹有燥屎也欲與大承氣

湯病家惶懼不敢進余曰吾郡能辨是證者惟施笠澤耳延至

診之與余言若合符節遂下之得燥屎六七枚口能言體能動

矣故接手不及足者何以救此垂絕之證耶

休寧吳文哉傷寒煩躁面赤昏亂悶絕時索冷水其弟日休乞

余次死期手楊足擲難以候脉五六月制之方得就診洪大無

倫按之如絲余曰浮大沉小陰證似陽也與附子理中湯當有

生理日休駭曰醫者十輩至不曰柴胡承氣則曰竹葉石膏今
反用熱劑烏乎敢余曰溫劑猶生涼劑立斃矣日休卜之吉遂
用理中湯加入參四錢附子二錢煎成入井冰冷與飲甫及一
時狂躁定矣再劑而神爽服參至五觔而安文哉遺以書曰弟
爲俗子所誤既登鬼錄矣而兄翁拯全之大竒亦大幸也方弟
躁熱之時醫以三黃湯入牛黃服之轉加悶絕舉室哀號惟是
治終具候目瞑而已不意兄翁毅然以爲可活參附一投陰霜
見睨荆妻稚子含淚歡呼一日卽甦經年乃復嗚呼父母生之
兄翁再生之昊天罔極莫可云喻敢誌巔末乞附案帙俾天下
萬世知藥不可浪投命不可輕棄何莫非大仁人回春之澤哉
同社正月懷傷寒至五日下午利不止懊懣目脹諸藥不效有以
山藥茯苓與之慮其瀉脫余診之六脉沉數按其臍則痛此協

熱自利中有結糞小承氣倍大黃服之得結糞數枚諸症悉安
婁水張爾和傷寒第二日頭痛發熱正在太陽余曰方今正月
天令猶寒必服麻黃兩日愈矣若服冲和湯不惟不得汗即使
得汗必致傳經遂以麻黃湯熱飲之更以滾水入浴桶置床下
薰之得汗如雨密覆半日易被神已爽矣至晚索粥家人不與
余曰邪已解矣必不傳裏食粥何妨至明日果愈不以麻黃汗
之傳變深重非半月不安也

光祿卿吳玄水太陽歸頭痛腹脹身重不能轉側口內不和語
言譫妄有云表裏俱有邪宜以大柴胡下之余曰此三陽合病
也誤下之決不可救乃以白虎湯連進兩服諸證漸減更加天
花粉麥門冬二劑而安

縣學師楊龍友如夫人發熱頭疼六日後忽見紅疹衆皆以爲

發斑用升麻犀角等湯凡五日不效余視之曰此癩也非斑也
斑爲陽明火毒癩爲太陰風熱一表一裏如天與淵乃用防風
二錢黃芩一錢甘草五分薄荷桔梗蟬殼各一錢四劑霍然矣
儒者吳君明傷寒六日譫語狂妄頭痛有汗大便不通小便自
利衆議承氣湯下之余診其脉浮而大因思仲景云傷寒不大
便六七日頭疼有熱小便清知不在裏仍在表也方今仲冬宜
與桂枝湯衆皆咋舌掩口謗之甚力以譫狂爲陽盛桂枝入口
必斃矣余曰汗多神昏故發譫妄雖不大便腹無所苦和其營
衛必自愈耳遂違衆用之及夜而笑語皆止明日大便自通故
夫病變多端不可膠執向使狐疑而用下藥其可活乎

丙戚顧淡之勞神之後煩躁大熱頭痛時作時止醫者禁其飲
食與之解表見四日熱不退欲與攻裏余診之曰脉不浮緊安

得表耶又不沉實安得裏耶惟心部大而瀉此勞心而虛煩乃
類傷寒非真傷寒禁食餓絕矣與之粥兼進歸脾湯五日而安
傷寒諸劑

麻黃湯 治太陽經脈浮緊頭痛身疼發熱惡寒無汗而喘

麻黃

二錢去根節

桂枝

一錢

甘草

五分

杏仁

八枚去皮尖炒

水盞半加生薑三片棗一枚煎八分熱服

桂枝湯 治太陽中風發熱汗出鼻鳴乾嘔

桂枝

芍藥

各二錢

甘草

一錢

水盞半生薑五片大棗三枚煎八分溫服

大青龍湯 治傷寒中風頭痛發熱無汗煩躁

麻黃

三錢去節

桂枝

一錢

杏仁

五枚去皮尖炒

甘草

四錢

石膏

三錢

水鍾半生薑一錢棗一枚煎八分溫服

麻黃連翹赤小豆湯 治瘧熱在裏身自發黃中濕身痛

麻黃 去根

連翹

甘草 各四錢

桑白皮 蜜炙 赤豆 各二兩

杏仁 三十個

水四鍾生薑七錢大棗八枚煎二鍾分三服

桂枝甘草湯

治發汗過多又干胃
心下悸欲得按

桂枝 三錢

甘草 一錢

水一鍾煎八分服

桂枝芍藥湯

治脉浮腹痛

桂枝湯加芍藥一倍

桂枝附子湯

治風濕身疼脉浮虛澹

桂枝湯加附子一錢

葛根湯

治太陽無汗惡風太陽陽明合病

葛根 一錢五分

麻黃 一錢

桂枝

芍藥

甘草 各六分

水二鍾生薑五片大棗二枚煎一鍾服

葛根葱白湯 治已汗未汗頭痛

葛根

芍藥

知母

川芎

各一錢 生薑三片

葱白

五個

水二鍾煎一鍾熱服

葛根半夏湯

葛根湯加半夏三水煎服

小柴胡湯

治傷寒四五日往來寒熱胸滿心煩喜嘔少陽經發熱及風溫濕熱

柴胡

黃芩

人參

半夏

各一錢 甘草五分

水二鍾薑三片棗一枚煎一鍾熱服

柴胡桂枝湯

治風溫汗後身熱心下煩熱妨悶動氣

柴胡

桂枝

甘草

人參

各一錢 半夏熟

芍藥

各七

黃芩

一錢

生薑

五片

水二鍾棗二枚煎一杯溫服

柴胡桂枝乾薑湯

治往來寒熱胸脇滿
小便不利嘔而不渴

柴胡一錢五分

黃芩

桂枝

乾薑各八分

甘草五分

牡蠣七分

括蔞根一錢

水二鍾煎一鍾溫服

柴苓湯

治小便難微熱腹滿

小柴胡湯加茯苓

水煎服

柴胡加桂湯

治身熱欲近衣
身熱不渴

柴胡

黃芩

半夏各一錢泡

甘草

肉桂各五分

水二鍾生薑三片大棗一枚煎一鍾服

五苓散

治小便不利而渴中暑煩躁霍亂

猪苓

澤瀉

白朮炒

茯苓各一錢

肉桂五分

右為細末每服二錢白湯調下

辰砂五苓散

治表裏未解頭扁發熱心胸鬱悶唇口乾焦狂言見鬼小便閉

五苓散加辰砂

研細水飛

白湯調服

小建中湯

傷寒三四日心悸而煩少陰惡寒手足踈而溫

桂枝

錢一

芍藥

錢二

甘草

六分

錫糖

三匙

生薑片

大棗

一枚

水鍾半煎八分納錫令化溫服

黃耆建中湯

傷寒身痛汗後身痛脈弱宜服

黃耆

錢五分炒

芍藥

錢二炒

肉桂

錢一去皮

甘草

六分

生薑片

大棗

三枚

水二鍾煎一鍾去渣入錫一大匙煎一沸服若微瀉利或嘔者不用錫

大柴胡湯

治身熱不惡寒反惡熱大便秘

柴胡

二分

黃芩

各一分

芍藥

各一分

半夏

八分

大黃

七分

枳

四分

水二鍾生薑三片棗一枚煎二鍾熱服

大承氣湯

治五六日不大便腹滿煩渴少陰口燥舌乾日晡發熱脈實三焦俱有邪

大黃

五斤

芒硝

四斤

厚朴

二斤炒

枳實

一錢

水二鍾先煎朴實至鍾半投大黃煎至一鍾去渣納芒硝一

小承氣湯 六七日不大便腹脹滿潮熱狂言而喘專瀉上焦之痞熱

大黃四不厚朴二不枳實十不

水二鍾煎一鍾熱服

調胃承氣湯 太陽七明不惡寒反惡熱大便秘譫語嘔逆宜服

大黃六不芒硝四不甘草一不

水鍾半煎八分去渣入硝一沸服

桃仁承氣湯 小腹急大便黑小便不利中焦積血也

桃仁十個肉桂去皮甘草各一

大黃二不芒硝五分

水二鍾煎一鍾去渣入硝煎一沸熱服

梔子豉湯 治吐下後心中懊懣大下後身熱不去心中痛

肥梔子四枚香豉五不

水二鍾煎梔子至一鍾入豉煎至七分服

梔子厚朴湯 太陽下後腹痛起卧不安

梔子 五枚 厚朴 三錢 枳實 一錢 水二鍾煎一鍾温服

猪苓湯 治嘔而渴心煩不得眠 熱在下焦小便不利

猪苓 一錢 澤瀉 滑石 茯苓 阿膠 各一錢五分

黃芩湯 水二鍾煎一鍾入阿膠煎鎔温服

黃芩湯 太陽少陽合病協熱下利

黃芩 三錢 芍藥 甘草 各一錢 水鍾半棗二枚 煎一鍾 熱服

黃芩芍藥湯 衄後脉微 黃芩湯 去大棗

黃芩半夏生薑湯 治乾嘔而利 黃芩湯 加半夏生薑

黃連湯 治腹滿痛大便秘胸 中有熱腹痛欲嘔

黃連 甘草 乾薑 芍藥 各一錢 人參

半夏 各五分 大棗 一枚 桂 五分 水二鍾煎一鍾服

黃連阿膠湯 一名黃連雞子湯治溫毒下利膿血少陰煩躁不得臥

黃連 二錢 阿膠 五分 黃芩 芍藥 各一錢 雞子黃 二枚

水二鍾煎三物至一鍾去渣入膠煎一沸入雞子黃勻服

黃連犀角湯 治狐惑

犀角 三錢磨 黃連 二錢 烏梅 四個 木香 三分磨

水鍾半煎八分入犀角木香汁勻服

黃連解毒湯 治大熱乾嘔譫語呻吟不眠

黃連 二錢 黃芩 黃柏 梔子 各一錢

水二鍾煎一鍾熱服

黃連瀉心湯

黃連 生地 知母 各一錢五分 甘草 五分水鍾半煎八分服

升麻湯 治無汗而喘小便不利而煩渴

升麻

蒼朮

麥門冬

麻黃

各一錢

黃芩

大青

各七

石膏

一錢

淡竹葉

十片

水二鍾煎一鍾熱服

升麻葛根湯

治無汗惡寒發斑小兒瘡疹疫癘通用

升麻

葛根

芍藥

甘草

等分

水二鍾煎一鍾寒多熱服熱多溫服

升麻六物湯

治赤斑口瘡赤爛

升麻

梔子

各一錢五分

大青

杏仁

黃芩

各一錢

水鍾半葱白三莖煎八分溫服

陽毒升麻湯

治陽毒赤斑狂言吐膿血

升麻

一錢五分

犀角

磨

射干

黃芩

人參

甘草

各八分

水鍾半煎八分入犀角汁服

玄參升麻湯

治咽痛發斑

玄參

升麻

各一錢五分

甘草

八分

水鍾半煎八分温服

白虎湯

治汗後脉洪大而渴虛煩中暍

知母 三錢

石膏 五錢

甘草 一錢

粳米 一撮

水二鍾煎一鍾温服

白虎人參湯

一名化斑湯治赤斑口燥煩渴中暍

白虎湯

加人參

竹葉石膏湯

治陽明汗多而渴衄而渴欲飲水水入即吐後渴

竹葉 十四片

麥門冬

人參 各一錢

甘草 四分

石膏 三錢

半夏 八分

粳米 一撮

水二鍾煎一鍾入生薑汁一匙服

茵陳湯

治頭汗出欲發黃

茵陳蒿 三升

大黃 二錢

梔子 三枚

水二鍾煎一鍾服

茵陳五苓散

頭汗出發黃秋疫瀉及黃疸

茵陳 三錢

五苓散 三錢

每服二錢米湯調服

茵陳四逆湯 治陰黃四肢厥冷

茵陳 一錢

甘草 五分

乾薑 炮一錢五分

附子 一錢 水煎溫服

大陷胸湯 治大結胸手不可按

此藥極峻不可輕用

大黃 四錢

芒硝 三錢

甘遂末 三分

水二鍾煎一鍾入硝煎一沸入甘遂末服

小陷胸湯 治小結胸

黃連 一錢五分

半夏 三錢

栝蘘實 二錢

水二鍾煎一鍾服

抵當湯

治血結胸語小腹痛滿漱水不欲嚥

水蛭

蝨 各十枚

桃仁 十枚

大黃 八錢

水二鍾煎一鍾熱服

小半夏湯 治水結胸

半夏 四錢

白茯苓 五分

水二鍾煎一鍾入薑汁熱服

半夏瀉心湯

小半夏一錢

黃連五分

人參

甘草

黃芩

乾薑各一錢

水鍾半薑五片棗五枚煎八分溫服

半夏生薑湯

治欬逆水穀不下而嘔吐

小半夏五錢

生薑一兩

水煎服

半夏桂甘湯

治非時暴寒伏於少陰脈微弱次必下利一名腎寒

小半夏

桂枝

甘草各三錢

生薑五片水煎服

厚朴半夏甘草人參湯

厚朴

半夏各一錢

甘草末三錢

人參各五分

水鍾半薑五片煎八分服

甘草瀉心湯

半夏瀉心湯

加甘草

生薑瀉心湯

治下痢心下痞腹中雷鳴

甘草瀉心湯

減甘草一倍 加生薑一倍

赤茯苓湯

治厥陰消渴氣上冲 吐下後身振搖肉傷

赤茯苓

陳皮

人參各一錢

白朮

川芎

半夏

各六分

水鍾半煎八分溫服

茯苓甘草湯

茯苓

三錢

桂枝二錢

甘草一錢

生薑五片水煎服

茯苓桂枝白朮湯

茯苓三錢

桂枝一錢五分

甘草

白朮

各一錢

水二鍾煎一鍾溫服

四逆湯

治太陰自利不退 陰證脈沉身痛

附子三錢

甘草

乾薑

各一錢五分

水鍾半煎八分服

當歸四逆湯

當歸

桂枝

芍藥

細辛各一錢
甘草

通草各七分

水鍾半大棗三枚煎七分服

通脈四逆湯

厥逆下利脈不至 四逆湯

加甘草一倍

真武湯

治陰證脈沉身痛少
陰腹痛小便不利

附子 三錢

生薑 五錢

白木 一錢

茯苓

芍藥各二錢

水三鍾煎鍾半分二服

附子湯

治陰證脈沉身痛少
陰背惡寒口中和

附子 三錢

人參

白木

茯苓

芍藥各一錢

水二鍾煎一鍾分三服

甘草附子湯

風溫小便不利大便反快

甘草 炙

附子 各一錢

白木

桂枝 各一錢五分

水二鍾煎一鍾溫服

甘草乾薑湯 少陰小便色白吐逆而渴動氣下之反劇身雖有熱反欲踰臥

甘草 二錢 乾薑 一錢 水煎服

理中湯 治太陰自利不渴痰多而嘔腹痛霍亂

人參 白朮 乾薑 各一錢 甘草 八分

水二鍾煎一鍾服腹痛甚加附子寒而吐者加生薑小便

不利加茯苓腎氣動者去朮

附子防風湯

附子 防風 柴胡 白朮 各一錢 桂心 五分

茯苓 乾薑 各五分 五味子 各八分 甘草 四分 生薑 五片

水鍾半煎八分服

芍藥甘草附子湯 汗下後惡寒

芍藥 甘草 附子 各二錢 水二鍾煎八分服

霹靂散 陰盛隔陽身冷脉浮煩躁欲水

附子一雙 炮 用冷灰埋之取出細研入真臘茶一錢同研分二

服每服水一鍾煎六分入蜜一匙冷服

白通湯 少陰下利

葱白 三莖 附子 三錢

乾薑 二錢五分

水鍾半煎七分服

正陽散 陰毒面青四肢厥冷

乾薑 五分 附子 一錢

甘草 五分

麝 一分

皂莢 一分

為細末水一鍾煎五分服

枳實理中丸 治寒實結胸

枳實 十六枚 乾薑

白朮

甘草

人參

茯苓 各一兩

為末蜜丸彈子大熱湯化下連進二三服

乾薑附子湯

下後復發汗晝夜不得眠無表證脉微

乾薑 二錢 附子 三錢

水煎服

乾薑黃芩黃連人參湯 寒氣內格食入即吐

乾薑

黃芩

黃連

人參 等分

水鍾半煎八分服

脾約丸

津少大便秘

大黃

枳實

白芍藥

厚朴

各五錢

麻子仁

兩

杏仁 三錢

為末蜜丸桐子大每服三十九溫水下

金匱風引湯

大黃

乾薑

龍骨

各二兩

桂枝

甘草

牡蠣

各一兩

凝水石

滑石

赤石脂

白石脂

石膏

紫石英

各三兩

為粗末以囊盛之取三指一撮井水二鍾煎一鍾去渣服

百合地黃湯 治百合病

百合 七枚

生地黄汁 鍾一 先以水洗百合漬一宿洗去白

沫別以水二鍾煎取一鍾入地黄汁一沸分二服

犀角地黃湯

後脈微發狂發黃失汗成瘀血大便黑漱水不欲嚥

犀角 一錢

生地黄 四錢

牡丹皮

芍藥 各一錢

水二鍾煎八分入犀角服

大青四物湯 一名阿膠湯

治赤斑

大青

阿膠

甘草 各一錢

豉 三錢

水鍾半煎八分入阿膠候鎔溫服

黑膏

治溫毒發斑嘔逆使毒從皮中出

生地黄 二兩

好豉 一兩

諸膏十兩合露之煎令三分減一絞去渣入雄黃麝香如豆大攪和分三服忌蕪荑

紫雪 脚氣及暑中三陽所患必熱煩躁發狂

升麻 六錢 黃金 十兩

寒水石 各四兩 石膏 八錢

犀角

羚羊角 各一兩 玄參 六錢

沉香 木香

丁香 各五錢

甘草 八錢

水五鍾煮金至三鍾去金入諸藥再煎至一碗去渣投朴硝

三兩二錢微火煎柳條勿停手攪候欲凝入盆中更下硃砂

麝香各三錢急攪令勻候冷凝成雪每服一錢細細嚙之

吳茱萸湯 嘔胸滿吐利手足厥冷煩躁欲死

吳茱萸 生薑 各三錢 人參 一錢

水鍾半棗一枚 煎一鍾服

甘桔湯 少陰咽痛

桔梗 三錢 甘草 二錢

水鍾半煎八分服

枳桔湯 痞證胸滿不痛

桔梗

枳殼 各三錢

水煎熱服

防風白朮牡蠣散

防風 白朮

牡蠣 等分

爲末每服二錢米飲調服汗出服小建中湯

五積散

治感冒脚氣食積心腹滿痛嘔吐背項拘急

川芎

蒼朮

桔梗

橘皮

枳殼 各七分

白芷

官桂

人參 各五分

厚朴

芍藥

茯苓

當歸

乾薑

麻黃

半夏 各八分

甘草 各五分

水二鍾薑三片葱白三莖煎八分服

十棗湯

痞硬脇痛乾嘔短氣汗出不惡寒

堯花

甘遂

大戟 各等分

水鍾半先煎大棗十枚取八分入藥末七分

平日溫服若病不除再服五分

桃花湯

少陰下利膿血并溫青下利

赤石脂 五兩三錢一半煎 糯米 三合 乾薑 三錢

水二鍾煮米令熟去渣温服一鍾入赤石脂末方寸七日三

服愈止服

冲和湯 即九味羌活湯治傷寒兩感

羌活

防風

蒼朮

甘草

白芷

川芎

生地黄

黃芩

細辛

水二鍾薑三片棗一枚煎一鍾熱服取汗有汗者去蒼朮加

白朮渴加葛根石膏

柿蒂湯

柿蒂

丁香

水鍾半薑五片煎八分服

烏梅丸

治蚘厥

烏梅 七十

細辛

附子

人參

栝皮

桂枝 各一兩
五錢

乾薑 二兩
五錢

黃連 四兩

蜀椒

當歸 各一兩

十味各搗末以苦酒漬烏梅一宿去核薰之五升米飯在下飯熟搗梅成泥和勻諸藥蜜丸桐子大米飲下十九漸加至二十九忌生冷滑物

牛旁根湯

汗不流是汗出時蓋覆不密故腰背手足搐搦

牛旁根

麻黃

牛膝

天南星

各六錢

爲末好酒一升同研以新布濾取汁用炭火半秤燒一地坑通赤去火令淨投藥汁在坑內燒令黑色取出細研每酒調服五分日三服

地榆散

傷寒熱毒不解晚卽壯熱腹痛便膿血

地榆

犀角

黃連

茜根

黃芩

梔子仁

各八分

水二鍾芫白五莖煎一鍾服

酸棗仁湯 汗下後晝夜不得眠

酸棗仁 炒

甘草

知母

麥門冬 各一錢

茯苓

川芎

各二分

乾薑 三分

水煎服

茅花湯

鼻血不止

茅花

一握無花用根

水三鍾煎鍾半分二服

栝皮湯

熱毒入深叶血

栝皮 三錢

黃連

黃芩 各一錢五分

水二鍾煎一鍾去渣入阿膠候銕服

麥門冬湯

麥門冬

甘草

各二錢五分

粳米湯鍾半棗二枚竹葉十五片煎八分服

小續命湯

方見中風

黑錫丹 方見眩運

大秦芩湯 方見中

補中益氣湯 方見類中風

藿香正氣散 方見類中風

萎蕤湯 治風温冬温春月傷寒

萎蕤

石膏 各一錢

麻黃

白薇

羌活

杏仁

甘草

川芎 各六分

青木香 五分

乾薑 一錢

水煎服

牡蠣澤瀉湯

瘥後從股以下有水氣

牡蠣

澤瀉

蜀漆

商陸

葶藶

海藻

瓜萋根 各等分

為末米飲調服

猪膚湯

少陰下利咽痛胸滿而煩

猪膚

五兩

水四鍾煎二鍾加白蜜十匙白粉二合熬香和合得所分二服

猪膽雞子湯 傷寒五六日出斑

猪膽三個 雞子一枚 苦酒十匙 和勻煎三沸服

鼈甲散 傷寒入九日不瘥諸藥不效名壞傷寒

鼈甲 升麻 前胡 烏梅 黃芩

犀角 枳實各七分 生地黄錢 甘草五分

水鍾半煎八分服

白頭翁湯 協熱而利渴而下利

白頭翁 黃栢 秦皮 黃連各一錢五分

水鍾半煎八分服

赤石脂禹餘糧湯 痞而下利不止當治下焦

赤石脂 禹餘糧各三錢 水煎服

葶藶苦酒湯 發狂煩躁面赤咽痛 大下傷血發熱脉濇

葶藶

錢五

苦酒

一 碗半

艾汁

半 碗

煎取七分作二服

治醫桃仁湯

傷寒失汗變成狐惑
唇口生瘡聲啞不出

桃仁

槐子

艾

各三錢

水二鍾棗十個煎一鍾分二服

雄黃銳散

狐惑唇瘡聲啞

雄黃

桃仁

苦參

青箱子

黃連

等分

為末艾汁為丸如小指尖大綿裹內下部中

獨鼠糞湯

男女陰陽易

韭根

一大握

獨鼠糞

十四枚兩
頭尖者是

水鍾半煎七分去渣再煎一二沸溫服

安神丸

方見驚悸

瓜蒂散

寸脈大胸滿多
痰有涎病頭痛

瓜蒂炒

赤小豆各等分

二味別搗篩為末合和以水二鍾煮香豉一合作稀粥去渣取三分之一和散一錢頓服之如未吐少少又加大

大羌活湯 治兩感元氣實感之輕者可活

防風

羌活

獨活

防己

黃芩

黃連

蒼朮

白朮

甘草炙

細辛各二錢

知母

川芎

生地黃各一兩

每服五錢水二鍾煎一鍾熱飲之未愈連服三四劑若有

他證遵仲景法

辟邪丸

服此雖與病人同床合被亦不能傳染也

雄黃一兩

丹參

鬼箭羽

赤小豆各二兩

右為末蜜丸桐子大空心溫水下五丸

由氣未定... 水不...

小豆... 二

合... 水...

...

...

...

...

...

...

...

...

醫宗必讀卷五終

宛委山莊重校醫宗必讀卷之六

雲間李中梓士材父著

門人朱天定道力父叅
姪孫李廷芳蘅伯父訂

真中風

靈樞經曰虛邪偏客於身半其入深者內居營衛營衛衰則真

氣去邪氣獨留發為偏枯此言邪氣深而中藏者也其邪氣淺者脉偏痛此

邪氣淺而中府者以痛為辨也又曰痲之為病也身無痛者四肢不收志亂不

甚其言微知可治甚則不能言不可治也此亦言中藏之證其名曰痲身無痛者也

以志不甚亂微能言者可治若志亂而不能言則不可治矣偏枯身偏不用而痛言不變志

不亂病在分腠之間巨針取之益其不足損其有餘乃可復也

此亦言中府之證肢體必痛且能言而神氣清明淺而可復也

愚按中風者言為風邪所中其受病重非若傷風之輕也風是

四時八方之氣常以冬至之日自坎而起候其八方之風從其

鄉來者主長養萬物若不從其鄉來者名為虛賊風害萬物體

虛者則中之當時未必即發重感風邪病遂發焉藏府有俞俞

皆在背中風多從俞入者也而有中腑中藏中血脉之分中府

者其病在表多着四肢故肢節廢脉浮惡風拘急不仁外有六

經之形證太陽經證頭疼身熱脊強陽明經證目痛鼻乾不得

自利咽乾少陰經證舌乾耳聾脇痛寒熱嘔口苦太陰經證腹滿

口燥厥陰經證煩滿囊縮以小續命湯及疎風湯汗之中藏者

其病在裏多滯九竅故唇緩二便閉脾不能言心耳聾腎鼻塞

肺目瞽肝以三化湯及麻仁丸下之中血脉者病在半表半裏

外無六經之證內無二便之閉但見口眼喎斜半身作痛不可

過汗恐虛其衛不可大下恐損其營惟當養血順氣以大秦朮

湯羌活愈風湯和之中府者多兼中藏如左關脉浮弦面目青

左脇痛筋脉拘急目瞶頭日眩手足不收坐踞不得此中膽兼
中肝也用犀角散左寸脉浮洪面赤汗多惡風心神顛倒語言
蹇澁舌強口乾忪悸恍惚此中胞絡兼中心也加味牛黃散右
關脉浮緩或浮大面黃汗多惡風口喎語澁身重怠惰嗜卧肌
膚不仁皮肉瞶動腹脹不食此中胃兼中脾也防風散右寸脉
浮濇而短鼻流清涕面白多喘胸中胃悶短氣自汗聲嘶四肢
痿弱此中大腸兼中肺也五味子湯左尺脉浮滑面目黧黑腰
脊痛引小腹不能俛仰兩耳虛鳴骨節疼痛足痿善恐此中膀
胱兼中腎也獨活散此皆言真中風也而有氣血之分焉氣虛
者右手足不仁用六君子加鈎藤薑汁血虛者左手足不仁四
物湯加鈎藤竹瀝薑汁氣血俱虛者左右手皆不仁八珍湯加
鈎藤竹瀝薑汁

凡中風昏倒先須順氣然後治風用竹瀝薑汁調

開灌之如挾不開急
用早牙早生平夏

細辛為細末吹入鼻內有嚏可治無嚏則死最要分別閉與脫

二證明白如牙關緊閉兩手握固即是閉證用蘇合香丸或三

生飲之類開之若口開心絕手撒脾絕眼合肝絕遺尿腎絕聲

如鼻肺絕即是脫證更有吐沫直視肉脫筋骨痛髮直搖頭宜

大劑理中湯灌之及灸臍下雖曰不治亦可救十中之一若誤

服蘇合香丸牛黃至寶之類即不可救矣蓋斬閉奪門之將原

為閉證設若施之脫證如人既入井而又下之石也世人蹈此

弊而死者不可勝數故特表而出之惟中藏之證是閉而非脫

寶丹活命金丹之類若中府與中血脉之證斷不宜用為內有

麴香入脾治肉牛黃入肝治筋龍腦入腎治骨恐反引風邪深

入骨髓如油入麴莫之能出
角弓反張陰陽經絡周環於身風氣乘虛入於諸陽之經則腰

背反折，攣急如角弓之狀，宜小續命湯。有汗不惡寒，曰柔痙；無汗惡寒，曰剛痙。

口噤，手三陽之筋結入於頷頰，足陽明之筋上夾於口。風寒乘

虛入其筋，則攣故令牙關急而口噤也。秦芫升麻湯。用甘草

二段，每段長一寸，炭火上塗麻油炙乾，挾開牙關，令咬定，約人

行十里許，又換甘草一段，然後灌藥，極效。或以蘇合香丸擦

牙，或南星冰片擦之。

不語，脾脈絡胃夾咽，連舌本，散舌下心之別脈，系舌本。心脾受

風，故舌強不語，亦有因腎脈不上循喉，隴挾舌本者。喉隴者，氣

之所以上下會厭者，音聲之戶。舌者，聲之機。唇者，聲之扇。風寒

客於會厭，故卒然無音。若因痰迷心竅，當清心火。若因濕痰，當

清脾熱。若因風熱，當清肝火。若因風痰，當導痰涎。若因虛火上

炎，當壯水之主。若因虛寒厥逆，當益火之原。神仙解語丹、滌痰

湯加味轉舌膏八味丸隨證選用

取龜尿少許點舌神效

龜置

于新荷葉上以猪鬃鼻肉截之立出

手足不隨肌膚盡痛諸陽之經皆起於手足而循行於身體風寒客於肌膚始為痺復傷陽經隨其虛處而停滯與血氣相搏故風痺而手足不隨實者脾土太過當瀉其濕虛者脾土不足當補其氣血枯筋急者四物湯木旺風淫者四物湯加鉤藤秦苳防風痰多者六君子加秦苳天麻竹瀝薑汁

自汗風多者桂枝湯若表虛者玉屏風散陽氣虛者耆附湯若兼盜汗者補中益氣送六味地黃丸或當歸六黃湯

半身不遂譬如樹木或有一邊津液不蔭注而枝葉偏枯故知偏枯一證皆由氣血不周經曰風氣通於肝風搏則熱盛熱盛則水乾水乾則氣不榮精乃亡此風病之所由作也故曰治風

先治血血行風自滅古方有順風勻氣散虎骨散虎脛骨酒外用蠶沙二石分作三袋蒸熱着患處冷再易以瘥爲度內用羊脂入粳米葱白薑椒豉煮熟日食一具十日止大效

口眼喎斜多屬胃土而有筋脉之分經云足之陽明手之太陽筋急則口目爲僻背急不能卒視此胃土之筋病也又云足陽明之脉挾口環唇此胃土之脉爲病也

口目常動故風主焉耳鼻常靜故風息焉

燒皂角薰之以逐外邪次燒乳香薰之以順血脉酒煎桂枝取汁一碗軟布浸收左喎搦右右喎搦左服清陽湯秦艽升麻湯或二方合用外感加葱白

小便不利中風小便不利不可以藥利之自汗則津液外亡小便自少清熱止汗小便自行也

遺尿多屬氣虛宜參耆湯少加益智頻頻啜之

多食風木盛則尅脾脾受尅求助於食當瀉肝理風以安脾脾安則食自如常也

痰涎壅盛宜用吐法稀涎散或橘紅一片逆流水七碗煎至二碗頓服白湯導之吐痰之聖藥也二陳湯星香散加竹瀝薑汁虛者六君子同星香散脉沉伏無熱者三生飲加全蝎一個養正丹可以墜下痰涎鎮安元氣 肥人多中氣盛於外而歉於內人肥必氣急而肺盛肺金尅肝木故痰盛治法以理氣爲急身痛中府者多身痛爲風氣所束經脉不和宜鐵彈丸虛寒者十味剉散

昏冒心神不足痰滯於心胞絡宜至寶丹或牛黃清心丸

豫防中風寶鑑云凡大指次指麻木或不用者三年內有中風之患宜服愈風湯大麻丸薛立齋云豫防者當養氣血節飲食

戒七情遠幃幙若服前方適所以招風取中也

脉中風之脉每見沉伏亦有脉隨氣奔指下洪盛者 浮遲者

吉堅大急疾者凶 浮大為風浮遲為寒 浮數無熱亦為風

大為火 滑為痰

三生飲 治卒中昏冒口眼喎斜半身不遂痰氣上壅或六脉

沉伏或浮盛者並宜服之但脫絕證見者難治

南星 生用 一兩 川烏 去皮生 用五錢 生附子 五錢 木香 二錢五分

每服五錢水二鍾薑十片煎六分服

小續命湯 通治八風五痺痿厥等疾春夏加石膏知母黃芩今

秋冬加桂附芍藥

麻黃 去節 人參 去蘆 黃芩 去腐 芍藥 炒 甘草 炙

川芎 杏仁 去皮尖炒 防己 官桂 各一兩 防風 一兩五錢

附子炮去皮 臍五錢

每服五錢水一盞半生薑五片煎一盞服

疎風湯

治表中風邪半身不遂語言微澁

麻黃

去節 三兩

杏仁

去皮 尖炒

益智仁

各一兩

升麻

各五錢

每服五錢水煎熱服

三化湯

厚朴

薑炒

大黃

枳實

炒

羌活

各三錢

水二碗急火煎至一碗服

麻仁丸

厚朴

去皮 薑汁炒

芍藥

枳實

各炒四兩

大黃

蒸焙八兩

麻仁

別研二兩

杏仁

去皮尖 炒三兩

為末蜜丸梧子大每服三錢溫水下

大秦芫湯

秦芫

石膏

各一錢

甘草

炙

川芎

當歸

芍藥

炒

羌活

獨活

防風

黃芩

炒

白朮

土炒

白芷

茯苓

生地黄

熟地

各五分

細辛

三分

水煎服天寒加生薑五片春夏加知母一兩

羌活愈風湯

治肝腎虛筋骨弱語言難精神昏憤或肢體偏枯多思健忘

羌活

甘草

炙

防風

黃耆

蜜炙

蔓荊子

川芎

獨活

細辛

枳殼

炒

麻黃

去根

地骨皮

人參

知母

酒炒

甘菊花

去蒂

薄荷葉

白芷

枸杞子

當歸

杜仲

炒

秦艽

柴胡

半夏

製

厚朴

薑汁炒

前胡

熟地黄

各三分

白茯苓

黃芩

各三兩

生地黄

蒼朮

炒

石膏

芍藥

各四錢

官桂

一兩

每服一兩水煎服大寒之後加半夏人參柴胡木通迎而奪

少陽之氣也穀雨之後加石膏黃芩知母迎而奪陽明之氣也季夏加防己白朮茯苓勝脾土之溼也大暑之後加厚朴藿香桂迎而奪太陰之氣也霜降之後加當歸桂附勝少陰之氣也

天麻丸 熱勝則風動宜靜是養血也宜和是行營衛壯筋骨也非大藥不能治

附子

一兩 炮

天麻

酒浸三宿晒乾

牛膝

酒浸一宿焙乾

革薺

另研

玄參

各六兩

杜仲

七兩 炒 去絲

當歸

十兩 全用

生地黄

十六兩

羌活

十兩

獨活

五兩

右爲末煉蜜丸桐子大每服五錢空心白湯下服藥後飢則食不飢且止大忌壅塞

犀角散

治肝中風流注四肢上攻頭面疼痛言語蹇澁上焦

風熱口眼喎斜腳膝軟痛

羌活 去蘆

羚羊角 各七錢

犀角

石膏 各一兩

人參

甘菊花

獨活 去蘆

黃耆

川芎

白朮 土炒

黃芩

天麻

枳殼 去穰 炒

常歸 去蘆

酸棗仁 炒

防風 去蘆

白芷 各五錢

甘草 炙二錢半

每服五錢水一盞生薑五片煎服

牛黃散

治心藏中風恍惚恐懼悶亂不得睡卧語言錯亂

牛黃 另研

麝香 另研

犀角

羚羊角

龍齒 另研

防風

天麻 煨

獨活

人參

沙參

茯神 去木

川升麻

甘草 炙

白蘚皮

遠志 去木

天竺黃

各二錢半 龍腦 一錢

硃砂 水飛

鐵粉 另研

麥門冬 各五錢

為細末研令勻每服二錢麥門冬湯下

防風散

治脾藏中風手足綏弱舌強語澁胸膈煩悶志意恍

惚身體沉重

防風

麻黃 去節

人參

川芎

附子 炮去皮臍

桂心

黃耆 去蘆

赤茯苓 去皮

酸棗仁 炒
白朮 炒

獨活 去蘆

桑白皮 蜜炙

羚羊角 各七錢半

甘草 炙五錢

每服四錢水一盞薑五片煎服

五味子湯

治肺藏中風多汗惡風時咳短氣晝寤夜甚偃卧

胸滿息促鼻兩邊下至口上至眉色白急灸肺腧百壯若色

黃其肺已化為血不治

五味子

杏仁 炒去皮

桂心 各五錢

防風

甘草 炙

赤芍藥

川芎 各一兩

川椒 二錢半

每服五錢水二盞煎至一盞服

獨活散

治腎藏中風腰脊疼痛腳冷痺弱頭昏耳聾語音渾

濁四肢沉重

獨活

附子

當歸

防風

天麻

桂心

各一兩

川芎

甘菊花

枳殼

山茱萸

黃耆

酒炒

丹參

牛膝

酒浸

甘草

炙

細辛 去苗

菖蒲

白朮

葶藶

各五錢

每服四錢水一盞半生薑五片煎服

四君子湯

治氣虛脉弱

人參

白朮

茯苓

甘草

各等分

水煎服加陳皮名異功散加橘紅半夏名六君子湯

四物湯

滋陰補血

熟地黃

川芎

芍藥

當歸

各等分

水煎服四物四君子兩方合用名八珍湯更加黃耆肉桂

名十全大補湯肉桂芍藥甘草小建中湯也黃耆肉桂芍藥甘草即黃耆建中湯也半夏橘紅茯苓甘草即二陳湯

附子理中湯 治脾胃冷弱心腹疼痛嘔吐瀉利霍亂轉筋體

冷微汗手足厥冷心下逆冷腹中雷鳴虛寒之證並皆治之

人參 附子炮 乾薑炒 甘草炒 白朮各等分

水煎服

蘇合香丸 治傳屍骨蒸疰忤鬼氣卒心痛霍亂吐利時氣鬼

魅瘴瘧疫痢瘵血月閉疰癎疔腫驚癇中風中氣痰厥昏迷

白朮 青木香 犀角 香附炒去毛 硃砂水飛

訶黎勒煨取皮 檀香 安息香酒熬膏 沉香 麝香

丁香 葶撥各一兩 龍腦 薰陸香別研蘇合香各一兩

右為細末研藥勻用安息香膏并蘇合香油煉蜜和劑

如彈子大以蠟匱固緋絹當心帶之一切邪神不敢近一

至寶丹

治中風不語中惡氣絕中諸物毒症瘴毒蠱毒產

後血暈口鼻血出惡血攻心煩躁氣喘吐逆難產悶亂死胎

不下並用童便薑汁磨服又療心肺積熱嘔吐邪氣攻心大

腸風秘神魂恍惚頭目昏眩眠睡不安唇口乾燥傷寒譫語

人參

天竺黃

犀角

硃砂

水飛雄黃水

玳瑁

琥珀

各一兩

麝香

龍腦

名二錢五分

金箔

半入藥半為衣

銀箔

各五片

牛黃

天南星

各五錢

安息香

一兩五錢為末無灰酒攪澄飛過去沙土約得淨數一兩火熬成膏

右為細末將安息香膏重湯煮烱入諸藥中和搜成劑丸

如龍眼核大人參湯磨服

牛黃清心丸

治諸風緩縱不隨語言蹇澁怔忡健忘頭目眩

胃胸中煩鬱痰涎壅塞精神昏憤心氣不足神志不定驚恐
怕怖悲憂慄感虛煩少睡喜怒無時癡狂昏亂

白芍藥 麥門冬去心 黃芩 當歸 防風

白朮各一兩半 柴胡 桔梗 芎藭 白茯苓

杏仁去皮尖雙仁炒黃別研各一兩二錢五分 神麴 蒲黃 人參各二兩半

羚羊角 麝香 龍腦各一兩 甘草炒五兩 肉桂

大豆黃卷碎炒各二兩 阿膠兩七錢 白欬 乾薑炮各七錢五分

牛黃二錢 犀角二兩 雄黃水飛八錢 乾山藥七兩

金箔一千二百井 大棗一百枚
蒸研膏

右除棗杏仁金箔犀角羚羊角牛黃雄黃腦麝外為細末

入餘藥和勻煉蜜與棗膏為丸每丸一錢即於內分金箔

四百片為衣溫水化服

養正丹一名來復丹一名黑錫丹一名三和丹治上盛下虛內寒外熱及伏暑泄

瀉如水

硝石一兩同硫黃為末入磁碟內微火炒不條攪火不可太過恐傷藥力再研極細名二氣末

太陰玄精石水飛舶上硫黃透明者各一兩五靈脂水澄去沙晒乾

青皮去白陳皮去白各二兩

右用五靈脂青皮陳皮為末次入玄精石末及前二氣末

拌勻好醋打糊為丸豌豆大每服三十九丸空心米飲下

稀涎散 治中風口噤單蛾雙蛾

江子仁六粒每粒分作兩半牙皂三錢切片明礬一兩

右先將礬化開卻入二味攪勻待礬枯為末每用三分吹

入諸病皆愈痰涎壅盛者燈心湯下五分在喉者即吐在

膈者即下

星者湯 治中風痰盛服熱藥不得者

南星 四錢

木香 五分

水一盞薑十片煎七分服

藿香正氣散

治傷寒頭痛憎寒壯熱或感溼氣霍亂吐瀉伏

暑吐瀉轉筋

加香薷扁豆黃連名藿薷湯

大腹皮 洗

白芷

茯苓

紫蘇

藿香 各一錢

厚朴 薑汁炒

白朮 土炒

陳皮 去白

桔梗

半夏 各七分

甘草 四分

生薑三片棗一枚煎服

清陽湯

治口眼喎斜頰顙緊急胃中火盛汗不出而小便數

黃耆

當歸身

升麻 各二錢

葛根 一錢五分

甘草 炙

紅花

黃蘗

桂枝 各一錢

蘇木

生甘草 各五分

酒二盞煎

一盞服炒香附熨摩緊急處即愈

秦芫升麻湯

治口眼喎斜四肢拘急惡風寒

升麻

葛根

甘草炙

芍藥

人參

各五錢

秦艽

白芷

防風

桂枝

各三錢

每服一兩水二盞芎白三莖煎一盞服

順風勻氣散

治中風半身不遂口眼喎斜

白朮二錢

人參

天麻

沉香

白芷

紫蘇

木瓜

青皮

甘草

炙各五分烏藥一錢五分

生薑三片水煎服

虎骨散

治半身不遂肌肉乾瘦為偏枯忌用麻黃發汗此方

潤筋去風

當歸二兩

赤芍藥

續斷

白朮

土炒藁本

虎骨

各一兩

烏蛇肉

五錢

甘鹹溫內走臟腑外徹皮膚透骨搜風去濕白花蛇有毒力尤大

右為末每服二錢食後溫酒調下骨中煩疼加生地黃一

虎骨 辛溫房金刺本 去風健骨
藁本 辛溫去風寒濕寒鬱發 陽頭痛連腦必用
續斷 苦辛微溫補肝腎通 以脈理筋骨暖子宮 補而不滯行而不濕

兩藏寒自利加天雄五錢

虎脛骨酒

石薺 去根

石楠葉

防風

虎脛骨

酥炙

茵芋葉

杜仲 炒

川牛膝

川芎

狗脊

燂去毛

當歸

續斷

巴戟 去心各一兩

右剉以酒一斗漬十日每熱服一碗

地黃飲子

治舌瘡不能言足廢不能行腎虛弱其氣厥不至

舌下

熟地黃

巴戟 去心

山茱萸

肉蓯蓉

酒浸焙

石斛

附子 炮

五味子

白茯苓

菖蒲

遠志

去心

官桂

麥門冬

去心各五分

薑五片棗二枚薄荷七葉水二盞煎八分服

滌痰湯 治中風痰迷心竅舌強不能言

南星 薑製 二錢

半夏

湯洗七次 二錢

枳實 炒

橘紅 二錢
石菖蒲 二分

人參 各八分

竹茹

六分

甘草 三分

茯苓 一錢

水二鍾生薑五片煎一鍾食後服

加味轉舌膏

連翹

遠志

去木

薄荷

柿霜

各一兩

菖蒲

六錢

梔子 炒

防風

桔梗

黃芩

酒炒

立明粉

甘草

酒大黃

各五錢

犀角

川芎

各三錢

右為末煉蜜丸彈子大硃砂五錢為衣食後臨臥薄荷湯

送下一丸

鐵彈丸

治中風昏憤口噤直視瘖瘖口眼喎斜涎潮語澁筋

攣骨痛癱瘓偏枯或麻木或瘙癢此藥極止疼痛通經絡活

血脈

乳香 另研

沒藥 另研

川烏頭 一兩五錢

五靈脂 淘淨四兩

麝香 一錢

先將乳香沒藥陰涼處細研次入麝次入藥再研勻滴水

和丸如彈子大每服一丸食後臨臥薄荷酒磨服

十味劉散 治中風血弱筋骨疼痛舉動艱難

附子 三兩炮

黃耆 炙

白芍藥

當歸 各二兩 川芎

防風

白朮 各一兩五錢 肉桂 一兩

茯苓

熟地 各七錢半

每服四錢水一碗薑八片棗三枚煎六分臨臥服

醫案

徽商汪華泉忽然昏仆遺尿手撒汗出如珠眾皆以絕證既見決無生理余曰手撒脾絕遺尿腎絕法在不治惟大進參附或

冀萬一遂以人參三兩熟附五錢煎濃灌下至晚而汗減復煎人參二兩耆朮附各五錢是夜服盡身體稍稍能動再以參附膏加生薑竹瀝蓋許連進三日神氣漸爽嗣後以理中補中等湯調養二百日而安

延平太守唐東瀛多鬱多思又爲府事勞神昏冒痰壅口噤語澁四肢不隨時欲悲泣脉大而軟此脾肺氣虛風在經絡余以補中益氣去黃耆加秦芫防風天麻半夏十劑證減二三更加竹瀝薑汁倍用人參兼與八味丸兩月乃愈

燕邸張可眞自遠方歸忽中風昏冒牙關緊閉先以牙皂末取嚏次以筋挾開灌蘇合丸二九後以防風散投之連進二服出汗如洗此邪自外解去麻黃獨活羚羊角加秦芫半夏膽星欬簾薑汁十劑痰清神爽服六君子加竹瀝薑汁鈎藤六十日痊

吳門太史姚現聞中風昏憤語言不出面赤時笑是心藏中風也乙亥孟秋延余診之六部皆得石脉余歸謂唐名必曰石者冬令之脉也新秋見之非其時矣其象先見於非時當其時豈能再見耶果至冬月而歿

錢台石年近六旬昏倦不能言鼻塞二便閉此心肺二藏中風也服順氣疎風化痰之劑已瀕於危矣比余診之六脉洪大按之搏指乃至虛反有盛候也宜補中為主佐以祛風化痰方可回生舉家惶懼兩日不決余瞋目而呼曰今日無藥則斃矣若服參而病進余一人獨任其咎乃以大劑補中益氣加秦芫鈎藤防風竹瀝再劑而神爽加減調治五十日始愈

類中風

火中 暑中

虛中 氣中

濕中 食中

寒中 惡中

類中風者有類乎中風實非中風也或以風為他證或以他證

爲風投治混淆傷生必矣茲以相類之證八種總彙於此使學者臨證洞然也

火中河間曰癱瘓者非肝木之風亦非外中於風良由將息失

宜心火暴甚熱氣拂鬱心神昏冒筋骨不用卒倒無知因喜怒

悲愁恐五志過極皆爲熱甚也 心火盛者涼膈散肝火動者

小柴胡湯水虛火炎者六味地黃丸痰多者貝母瓜蒌散

涼膈散 見真中風

小柴胡湯 治肝膽有熱往來寒熱

柴胡 一錢六分

黃芩

人參

半夏 各八分 生薑 二片

大棗 三枚

甘草 四分

水煎溫服

六味地黃丸 治腎水不足發熱作渴小便淋閉氣壅痰嗽頭

目眩暈眼花耳聾咽乾齒動腰腿痠軟便血吐血盜汗失音

水泛為痰

熟地黃

八兩
杵膏

山茱萸肉

乾山藥

各四兩

牡丹皮

白茯苓

澤瀉

各三兩

右為末和地黃膏加煉蜜丸如桐子大每服五錢空心食前滾湯下

貝母瓜蒌散

治痰多口眼喎斜手足麻痺

貝母

去心

瓜蒌

南星

荆芥

防風

羌活

黃檗

炒

黃芩

黃連

炒

白朮

陳皮

去白

半夏

湯泡
七次

薄荷

甘草

炙

威靈仙

天化粉

各五分

水二鍾薑三片煎八分至夜服

虛中東垣以卒倒昏憤皆屬氣虛過於勞役耗損真元脾胃虛衰痰生氣壅宜六君子湯虛而下陷者補中益氣湯因於房勞

者六味地黃丸

六君子湯

見真中風

六味地黃丸

見火中

補中益氣湯

黃耆

一錢五分

人參

二錢五分

甘草

炙五分

橘皮

七分

白朮

一錢五分

升麻

三分

柴胡

三分

歸身

一錢

水二盞煎

一盞食還服

濕中丹溪曰東南之人多由濕土生痰痰生熱熱生風清燥湯

主之內中濕者脾土本虛不能制濕或食生冷水溼之物或

厚味醇酒停於三焦注於肌肉則濕從內中矣宜溼溼湯外

中溼者或山嵐瘴氣或天雨濕蒸或遠行涉水或久臥濕地則

溼從外中矣其證頭重體痛四肢倦怠腿膝腫痛身重浮腫太

便泄瀉小便黃赤宜治溼羌活湯虛者獨活寄生湯

清燥湯 治氣虛濕熱肺金受邪絕寒水生化之源小便赤少

大便不實腰膝痠軟口乾作渴體重麻木頭目眩暈飲食少

思自汗盜汗倦怠氣促

黃耆 一錢五分

五味子 九粒

黃連 炒

神麩 炒

豬苓

柴胡

甘草 炙各二分

蒼朮 炒

白朮 炒

麥門冬 去心

陳皮

生地黃

澤瀉 各五分

茯苓

人參

當歸

升麻 三分

黃柏 酒炒三分

水二鍾煎

鍾服

漆濕湯

蒼朮 油浸炒

白朮 土炒

茯苓 各一錢半

陳皮

澤瀉

豬苓 各一錢

甘草 三分

香附

撫芎

砂仁

厚樸 去皮各七分

水二鍾薑三片燈草十尺煎八分服

除濕羌活湯

治風濕相搏一身重痛

蒼朮

泔浸炒

藁本

各二錢

羌活

七分

防風

各五分

升麻

柴胡

各五分

水煎溫服

獨活寄生湯

治腎虛臥溼腰背拘急筋攣骨痛脚膝冷痺緩

弱偏枯腫重艱步

獨活

桑寄生

牛膝

杜仲

炒

秦艸

細辛

白芍藥

茯苓

人參

當歸

各等分

熟地黃

防風

各等分

甘草

減半

水二鍾生薑三片煎一鍾空心溫服

寒中身體強直口噤不語四肢戰掉卒然眩暈身無汗者此寒

毒所中也宜薑附湯或附子麻黃湯

薑附湯 治中寒昏倒及陰證傷寒大便自利

乾薑

熟附子

各等分

水煎服

附子麻黃湯 治中寒昏冒口眼喎僻

麻黃

白朮炒

人參

甘草炙

附子泡

乾薑

各等分

水煎服

暑中面垢悶倒昏不知人冷汗自出手足微冷或吐或瀉或喘或滿或渴先以蘇合香丸挾開灌之或以來復丹研末白湯灌下或研蒜水灌之或剝蒜肉入鼻中皆取其通竅也 不蛀皂角刮去黑皮燒過存性每皂角灰一兩甘草末六錢和勻每服一錢新汲水調下待其稍甦辨證與藥 靜而得之謂之中暑中暑者陰證也當發散也或納涼於廣廈或過食於生冷頭痛惡寒肢節疼痛大熱無汗此陰寒所遏陽氣不得發越輕者香薷飲重者大順散 動而得之謂之中熱中熱者陽證也熱傷元氣非形體受病也或行役於長途或務農於赤日頭痛躁熱

肌膚大熱大渴多汗少氣蒼朮白虎湯主之熱死人切勿便與冷水及臥冷地宜

置日中或令近火以熱湯灌之即活

蘇合香丸 見真中風

來復丹 見真中風

香薷飲 本方加人參白朮陳皮茯苓木瓜黃耆各十味香薷飲虛者宜之

香薷 去根三錢 厚樸 一分錢 白朮豆 微炒一分錢 甘草 五分

水二盞煎一盞沉冷服 此暑月發散之劑惟中暑者宜

之若奔走勞役而中熱者用此溫散之劑復傷其氣如火

益熱矣世多不知而混用故特表而出之

大順散 治納涼太過飲冷太多脾胃受寒霍亂吐瀉此捨時

從證之劑也

甘草 三兩 乾薑 杏仁 去皮 肉桂 去皮各四錢

右先將甘草炒熟次入乾薑同炒令薑裂次入杏仁同炒
令杏仁不作聲爲度後入桂磨篩每服二錢井花水調服
沸湯點服亦得

蒼朮白虎湯

知母一錢

石膏三錢

甘草三分

粳米一錢
蒼朮二錢

水二杯煎一杯服

氣中七情內傷氣逆爲病痰潮昏塞牙關緊急極與中風相似
但風中身溫氣中身冷風中脉浮應人迎氣中脉沉應氣口以
氣藥治風猶可以風藥治氣則不可急以蘇合香丸灌之候醒
以入味順氣散加香附或木香調氣散有痰者星香散若其人
本虛痰氣上逆關格不通宜養正丹

蘇合香丸

見真中風

八味順氣散

白朮 炒黃

白茯苓

青皮 去白

白芷

橘紅

烏藥

人參 各五分

甘草 炙三分

水一碗煎七分服

木香調氣散

白豆蔻 研

丁香

檀香

木香 各二兩 藿香

甘草 炙各八兩

砂仁 四兩

右為細末每服二錢沸湯入鹽少許點服

星香散 見真中風

養正丹 見真中風

食中醉飽過度或感風寒或着氣惱以致填塞胸中胃氣不行
忽然厥逆昏迷口不能言肢不能舉若誤作中風中氣治之必
死宜煎薑鹽湯探吐風寒者藿香正氣散氣滯者八味順氣散

吐後別無他證只以蒼朮白朮陳皮厚樸甘草之類調之

藿香正氣散 見真中風

八味順氣散 見氣中

惡中登冢入廟弔死問喪飛尸鬼擊卒厥客忤手足逆冷肌膚

粟起頭面青黑精神不守或錯言妄語牙閉口噤昏暈不知人

宜蘇合香丸灌之俟少甦服調氣平胃散

蘇合香丸 見真中風

調氣平胃散

木香 烏藥

白豆蔻

檀香

砂仁 各一錢

藿香 一錢二分

蒼朮 一錢五分

厚樸 薑汁炒

陳皮 各一錢

甘草 五分

水二鍾生薑三片煎一鍾食前服

醫案

太史楊方壺夫人忽然暈倒醫以中風之藥治之不效迎余診之左關弦急右關滑大而軟本因元氣不足又因怒後食停先以理氣消食之藥進之得解黑屎數枚急以六君子加薑汁服四劑而後暈止更以人參五錢者朮半夏各三錢茯苓歸身各二錢加減調理兩月而愈此名虛中亦兼食中

邑尊張太美令郎丙子六月間未申時暈絕不知人至更餘未甦此得之生冷太過也皂角末吹鼻中無嚏舉家驚惶余以皂角灰存性新汲水灌之更取沉檀焚之俾香氣滿室以達其竅至子後方甦服十味香薷飲而安此暑中挾虛

給諫晏懷泉夫人先患胸腹痛次日卒然暈倒手足厥逆時有醫者以牛黃丸磨就將服矣余診之六脈皆伏惟氣口稍動此食滿胸中陰陽痞隔升降不通故脈伏而氣口獨見也取陳皮

砂仁各一兩薑八錢鹽三錢煎湯以指探吐得宿食五六碗六
脉盡見矣左關弦大胸腹痛甚知爲大怒所傷也以木香青皮
橘紅白朮香附煎成與服兩劑痛止更以四君子加木香烏藥
調理十餘日方瘥此食中兼氣中

章仲輿令愛在閣時昏暈不知人蘇合香丸灌醒後狂言妄語
喃喃不休余診其左脉七至大而無倫右脉三至微而難見正
所謂兩手如出兩人此崇憑之脉也線帶繫定二大拇指以艾
炷灸兩介甲至七壯鬼卽哀詞求去服調氣平胃散加桃奴數
日而崇絕此名惡中

傷風

經曰虛邪賊風陽先受之又曰內腠閉拒雖有大風苛毒弗之
能害

脾虛則肌肉不充肺虛則立府不閉風邪乘虛乃客於經
譬諸盜賊若重關高壘則不能入少有疎漏而後犯之故

曰虛邪賊風又曰內腠閉拒弗之能善風者天之陽氣其乘於人則傷衛衛者陽也故曰陽先受之

愚按風爲陽邪善行數變其傷人也必從俞入俞皆在背故背常固蜜風弗能干已受風者常曝其背使之透熱則潛消嘿散經文所謂乘虛來犯固矣若其人素有痰熱壅遏於太陰陽明之經內有窠囊則風邪易於外束若爲之招引者然所謂風乘火勢火借風威互相鼓煽也治實之法秋冬與之辛溫春夏與之辛涼解其肌表從汗而散治虛之法固其衛氣兼解風邪若專與發散或汗多必陽或屢痊屢發皆治之過也治風火之法辛涼外發甘苦內和勿與苦寒恐正不得申邪不得解耳

神朮散 治傷風頭痛鼻塞聲重

蒼朮

藁本

白芷

細辛

羌活

川芎

甘草

炙各六分

水鍾半薑三片葱白三莖煎八分熱服

川芎茶調散 治傷風頭目昏痛鼻塞聲重

薄荷葉 四兩
川芎 二兩
羌活
甘草 一兩

荆芥 二兩
白芷 一兩
防風 七錢
細辛 五錢

右爲末每服二錢茶調下

參蘇飲 治傷風發熱頭痛咳嗽涕唾稠粘

人參
蘇葉
乾葛
半夏 製
前胡

桔梗
枳壳
陳皮
茯苓
甘草 各八分

木香 磨一分
水鍾半薑五片棗一枚煎八分服

消風散 治四時感冒發熱惡寒頭痛聲重

蒼朮
麻黃
荆芥
白芷
陳皮 各一錢

甘草 五分
水鍾半薑三片葱白一莖煎八分服

人參敗毒散 治頭痛發熱惡寒鼻塞聲重

人參

羌活

桔梗

去蘆

柴胡

前胡

獨活

川芎

茯苓

枳殼

炒

甘草

各一錢

水鍾半薑三片煎服

柴胡升麻湯

柴胡

前胡

升麻

桑白皮

赤芍藥

乾葛

黃芩

炒

石膏

荆芥

各一錢

水二鍾薑三片淡豆豉二十粒煎一鍾服

虛癆

經曰陰虛生內熱

陰者水之屬也腎水不足則虛火熾炎故內熱此言血虛之癆也

又曰勞則

喘且汗出內外皆越故氣耗矣又曰有所勞倦形氣衰少穀氣

不盛上焦不行下脘不通而胃氣熱熱氣薰胸中故內熱

勞字從力

從水勞力則二火炎於高巔氣急而喘內越也氣蒸而汗外越也內外皆越故氣耗矣一勞則傷脾脾主四肢故因倦無氣以動脾主肌肉故形氣衰少脾主消穀脾虛不運故穀氣不盛脾者肺之母也肺處上焦土氣以下布者也土虛不能生金則肺清氣陷濁氣逆上故內熱此言氣虛之癆也

愚按內經之言虛癆惟是氣血兩端至巢氏病源始分五臟之勞七情之傷甚而分氣血筋骨肌精之六極又分腦髓玉房胞絡骨血筋脉肝心脾肺腎膀胱膽胃三焦大小腸肉膚皮氣之一二十三蒸本事方更分傳屍鬼疰至於九十九種其鑿空附合重出複見固無論矣使學者惑於多岐用方錯雜伊誰之咎平盍以內經爲式第於脾腎分主氣血約而該確而可守也夫人之虛不屬於氣卽屬於血五臟六腑莫能外焉而獨舉脾腎者水爲萬物之元土爲萬物之母二臟安和一身皆治百疾不生夫脾具土德脾安則土爲金母金寶水源且土不凌水水安其

位故脾安則腎愈安也腎兼水火腎安則水不挾肝上泛而凌上濕火能益土運行而化精微故腎安則脾愈安也孫思邈云補脾不如補腎許學士云補腎不如補脾兩先生深知二臟爲生人之根本又知二臟有相贊之功能故其說似背其旨實同也救腎者必本於陰血血主濡之血屬陰主下降虛則上升當歛而抑六味丸是也救脾者必本於陽氣氣主煦之氣爲陽主上升虛則下陷當升而舉補中益氣湯是也近世治癆專以四物湯加黃柏知母不知四物皆陰行秋冬之氣非所以生萬物者也且血藥常滯非痰多食少者所宜血藥常潤久行必致滑腸黃柏知母其性苦寒能瀉實火名曰滋陰其實燥而損血名曰降火其實苦先入心久而增氣反能助火至其敗胃所不待言丹溪有言實火可瀉虛火可補癆證之火虛乎實乎瀉之可

乎矯其偏者輒以桂附爲家常茶飯此惟穴衰者宜之若血氣燥熱之人能無助火爲害哉大抵虛癆之證疑難不少如補脾保肺法當兼行然脾喜溫燥肺喜清潤保肺則礙脾補脾則礙肺惟燥熱而甚能食而不瀉者潤肺當急而補脾之藥亦不可缺也倘虛羸而甚食少瀉多雖喘嗽不寧但以補脾爲急而清潤之品宜戒矣脾有生肺之能肺無扶脾之力故補脾之藥尤要於保肺也嘗見癆證之死多死於泄瀉泄瀉之因多因於清潤司命者能不爲兢兢耶又如補腎理脾法當兼行然方欲以甘寒補腎其人減食又恐不利於脾方欲以辛溫快脾其人陰傷又恐愈耗其水兩者並衡而較重脾者以脾土上交於心下交於腎故也若腎大虛而勢困篤者又不可拘要知滋腎之中佐以砂仁沉香壯脾之中參以五味肉桂隨時活法可耳又如

無陽則陰無以生無陰則陽無以化宜不可偏也然東垣曰甘
溫能除大熱又曰血脫補氣又曰獨陰不長春夏之溫可以發
育秋冬之寒不能生長虛者必補以人參之甘溫陽生陰長之
理也且虛癆證受補者可治不受補者不治故葛可久治癆神
良素著所垂十方用參者七丹溪專主滋陰所述治癆方案用
參者亦十之七不用參者非其新傷必其輕淺者耳自好古肺
熱傷肺節齋服參必死之說印定後人眼目甘用苦寒直至上
嘔下泄猶不悔悟良可悲已幸李瀕湖汪石山詳爲之辨而宿
習難返貽禍未已不知肺經自有熱者肺脉按之而實與參誠
不相宜若火來乘金者肺脉按之而虛金氣大傷非參不保前
哲有言曰土旺而金生勿拘拘於保肺水壯而火熄毋汲汲於
清心可謂洞達內經之旨深窺根本之治者也

傳屍勞瘵 虛癆熱毒積久則生惡蟲食人臟腑其證蒸熱咳嗽

胸悶背痛兩目不明四肢無力腰膝酸疼臥而不寐或面色脫

白或兩頰時紅常懷忿怒夢與鬼交同氣連枝多遭傳染甚而

滅門大可畏也法當補虛以復其元殺蟲以絕其根能殺其蟲

雖病者不生亦可絕其傳注耳凡近視此病者不宜飢餓虛者

須服補藥宜佩安息香及麝香則蟲鬼不敢侵也

吐血 上盛下虛血隨氣上法當順氣氣降則血歸經矣蘇子降

脉來微軟精神困倦是氣虛不能攝血人參飲子或獨參湯脉洪有力精

神不倦胸中滿痛或吐血塊用生地黃赤芍藥當歸丹皮丹參

桃仁大黃之屬從大便導之血以上出為逆下出為順苟非大

虛泄瀉者皆當行之以轉逆為順此釜底抽薪之妙法若吐血

已多困倦虛乏者不可行也吐多而急欲止之生地黃當歸丹

皮赤芍藥煎湯入藕汁童便各一鍾血餘灰二錢墨灰五分調

勻熱服怒氣傷肝者丹皮芍藥木香之屬勞心者蓮子糯米栢

仁遠志棗仁茯神之屬酒傷者乾葛茅花側柏荆芥穗之屬飲

食傷胃者白朮陳皮甘草穀蘖砂仁之屬吐血色黯脉遲而寒

者理中湯勞力者蘇子降氣湯加阿膠或以猪肺煮熟蘸白芨未食之

嗽血涎唾中有少血散漫者此腎虛火炎之血也六味地黃湯加童便

阿血如紅縷在痰中嗽出者此肺血也二冬二母白芨阿膠甘草苡仁紫苑百合桔梗

肺傷者其人勞倦人參救肺散肺痿吐膿血薏苡仁煮粥凡血證既

久古人多以胃藥收功四君子湯

咯血不嗽而血從咯出此腎血也地黃牛膝牡丹皮茯苓當歸青黛玄參童便

嗽嗽有聲無痰曰嗽肺因火爍也新定清寧膏有痰有聲曰嗽脾受

溼侵也二陳湯脾虛倦怠者六君子湯

死證虛癆不服參耆爲不受補者死 癆嗽聲啞者死 一邊

不能睡者死 癆證久瀉者死 大肉去者死 吐血淺紅色

似肉似肺謂之欬白血必死

脉法寸口脉浮而遲浮則爲虛遲則爲癆 左手脉細右手汗

大動急爲正虛邪盛必死 久病沉細而數者死 中空外急

此名革脉婦人半產漏下男子亡血失精 脉結者三年內必

死 脉代者三月內必死

醫案

邑宰何金陽 福建邵武府 人名望海 令郎虛損已瀕於危見余拙刻微論

藥解脉象諸書遣使聘余手書云嘗聞一命之士存心愛物於

人必有所濟况老先生天地萬物爲體分醫國之餘著述嘉刻

皆本性命而立言望海神交深知雲間有李先生東垣再來也

緣小兒天根久耽書癖昕夕窮神而不自節氣暴陰傷形瘁於
勞精搖於夢汗出乎寐而柴柵其中鉅藥厯歲毫末無功不遠
數千里專迓台車俯矜望海杕杜單傳年幾半百僅舉獨子願
其羸賴焦腑俱焚伏讀老先生廣嗣論中一旦至我而斬之語
念之大懼不自知其涕泗之沾襟也以是乞刀圭如仙掌金莖
一洒甘露起骨而肉之仰惟仁人君子必不遐遺則小兒自此
有生之年皆老先生引手之賜也金石可銷此心不晦再造之
天敢忘銜結耶余感其言遂往比至而病益進矣簡其所服以
四物知栢爲主芩連二冬爲加減診其脉大而數按之極軟余
曰中氣大寒反爲藥苦矣乃以歸脾湯入肉桂一錢人參五錢
當晚得熟寐居十日而汗止精藏更以還少丹兼進補中益氣
間服一月而瘥

少宗伯顧隣初丙辰年患發熱困倦目昏耳鳴脚軟不能行大便燥結手足麻痺腰膝疼痛余診之曰腎虛不能上交心虛不能下濟且尺脉遲軟力勉其用八味丸十全大補湯加圓眼三十枚五十餘日精神漸旺肌肉漸充致書鳴感一日多飲虎骨酒大便仍結醫者皆云八味丸非久服之藥十全大補宜去肉桂反用知母立參佐之服之數月遂致不起

學憲黃貞父下血甚多面色痿黃發熱倦怠盜汗遺精余診之曰脾虛不能統血腎虛不能閉臟法當以補中益氣五貼併一而進之十日汗止二十日血止再以六味地黃丸間服一月而安南都許翰所孫女吐血痰嗽六月診之兩尺如爛綿兩寸大而數余曰金以火爲仇肺不浮濇反得洪大賊脉見矣秋令可憂八月初五復診肺之洪者變爲細數腎之軟者變爲疾勁余

日歲在戊午少陰司天雨尺不應今尺當不應而反大寸當浮大而反沉細尺寸反者死肺至懸絕十二日死計期當死於十六日然能食者過期況十六十七二日皆金未遽絕也十八日交寒露又值火日經曰手太陰氣絕丙日篤丁日死言火日也時乃氣血注肺之時不能注則絕必死於十八日寅時矣輸所聞之潛然淚下以其能食猶不肯信至十八日未曉而終

汪望洋之孫年方舞象發熱咳嗽羸弱頭眩二冬二母知栢苓連不啻百劑病勢轉增余診其脉右脉虛軟乃知脾肺氣虛火不生土之候也遂用補中益氣加五味子苡仁薑桂至三錢十劑而減兩月乃安春初又發令其服補中丸一年諸證永痊矣吳門張飲光發熱乾欬呼吸喘急始用蘇子降氣不應乃服八味丸喘益急迎余余視其兩頰俱赤六脉數大此肺肝蘊熱也

以逍遙散用牡丹皮一兩苡仁五錢蘭葉三錢連進兩劑喘吸
頓止以地黃丸料用麥冬五味煎膏及龜膠爲丸至十觔而康
給諫章魯齋在吾邑作令時令郎凌九吐血發熱遺精盜汗形
肉衰削先有醫士戒之曰勿服人參若誤服之無藥可救矣兩
月弗效召余診曰此脾肺氣虛之候非大劑參耆不可魯齋駭
曰前有醫者戒之甚嚴而兄用之甚多何相懸也余曰此醫能
任決效否曰不能也余曰請易參五觔母掣其肘期於三月可
以報勤陳論甚力魯齋信而從之遂用六君子間用補中益氣
及七味丸療之日輕一日果如所約

尙寶卿須曰華林下多鬱且有暴怒吐血甚多倦怠異常余以
六君子納參一兩乾薑一錢木香八分四日而血止後因怒氣
血復大作余曰先與平肝繼當大補然夏得秋脉所謂早見非

時之脈當其時不能再見矣果如期而歿

太宗伯董立宰乙卯春有少妾吐血蒸熾先用清火繼用補中俱不見效迎余治之余曰兩尺沉實少腹按之必痛詢之果然此怒後畜血經年弗效乃爲蒸熱熱甚而吐血陰傷之甚也乃與四物湯加鬱金桃仁穿山甲大黃少許下黑血升餘少腹痛仍在更以前藥加大黃三錢煎服又下黑血塊及如桃膠蜆肉者三四升腹痛乃止虛倦異常與獨參湯飲之三日而熱減六柴服十全大補湯百餘日而康復如常

刑部主政唐名必勞心太過因食海鮮吐血有痰喉間如鯁日晡煩熱喜其六脈不數惟左寸瀉而細右關大而軟思慮傷心脾也以歸脾湯大料加丹參丹皮麥門冬生地黃二十餘劑而證減六七兼服六味丸三月遂不復發

吳門周復庵年及五旬荒於酒色忽然頭痛發熱醫以羌活湯散之汗出不止昏暈不甦余與之灸關元十壯而醒四君子加薑桂日服三劑至三日少康分拆家產勞而且怒復發厥余用好參一兩熟附二錢煨薑十片煎服稍醒但一轉側卽厥一日之間計厥七次服參三兩至明日以羊肉羹糯米粥與之尙厥二三次至五日而厥定向余泣曰已蒙再生不知有全愈之日否余曰脉有根蒂但元氣虛極非三載調攝不能康也幸其恪信余言遵守用藥兩月之間服參四斤三年之內進劑六百貼丸藥七十餘斤方得步履如初親友眾多議論雜出若非病人任之專或久而見疑服藥少怠未有獲生者也侍御馮五玉令愛發熱咳嗽已及半載十月間吐鮮血甚多一日之內不過食粥一盞大肉消陷大便溏泄沉困着床脉來七

至余曰法在不救人所共知若能惟余是聽不為旁撓可救十
中之一每貼用人參五錢桂附各一錢耆朮三錢歸芍二錢陳
皮一錢日投三貼約進七十劑及壯水丸三斤而後起於床又
三月而飲食如舊若泥常法而棄之幽潛沉寃矣

新定拯陰理癆湯 治陰虛火動皮寒骨熱食少痰多咳嗽短

氣倦怠焦煩內經陰虛
內熱之方

牡丹皮 一錢 當歸身 一錢錢 麥門冬 一錢錢 甘草 四分 苡仁 三錢

白芍藥 七分七分 北五味 三分 人參 六分 蓮子 三錢三錢 橘紅 一錢

生地黃 二錢二錢忌銅鐵器
薑汁酒炒透

水二鍾聚一枚煎一鍾分二次徐徐呷之肺脉重按有力

者去人參有血加阿膠童便熱盛加地骨皮泄瀉減歸地

加山藥茯苓倦甚用參三錢欬者燥痰也加貝母桑皮嗽

者溼痰也加半夏茯苓不寐加棗仁汗多亦用此余自立
之方用治陰虛火熾譬如溽暑伊鬱之時而商飈颯然條
動則炎敲如矢矣久服無敗胃之虞

新定拯陽理癆湯

治癆傷氣耗倦怠懶言動作喘乏表熱自

汗心煩偏身作痛

內經癆倦
氣耗之方

黃耆

三錢
酒炒

人參

二錢
去蘆

肉桂

七分
去皮

當歸

一錢五
分酒炒

白朮

二錢
土炒

甘草

五分
酒炒

陳皮

一錢
去白

北五味

四分
打碎

水二鍾薑三片棗肉二枚煎一鍾服如煩熱口乾加生地

黃氣浮心亂加丹參棗仁咳嗽加麥門冬挾濕加茯苓蒼

朮脉沉遲加熟附子脉數實去桂加生地黃胸悶倍陳皮

加桔梗痰多半夏茯苓泄瀉升麻柴胡口渴加乾葛夏月

去肉桂冬月加乾薑

四物湯 理中湯 異功散 六君子湯 八珍湯 五方並見中風門

補中益氣湯 見類中風

十全大補湯 治諸虛癆傷飲食不進久病疰羸潮熱背痛夢

遺脚軟喘嗽煩悶

肉桂 去皮

甘草 炙

芍藥 炒

黃耆 蜜水炒

當歸 酒洗

川芎

人參 去蘆

白朮 土炒

茯苓 去皮

熟地 各等分

每服六錢水二鍾薑三片棗肉二枚煎一鍾服

小建中湯

桂枝 去皮

甘草 炙

生薑 各一錢

芍藥 二錢

大棗 一枚

膠飴 一錢

水鍾半煎一鍾入飴更上微火鎔化溫服酒家嘔家俱禁此

湯以其甜也加黃耆名黃耆建中湯

八味地黃丸

治腎虛發熱作渴淋閉痰嗽頭眩眼花耳鳴咽

燥舌痛牙疼腰腿痿軟自汗盜汗便血吐血發熱失音水

泛為痰

熟地黃八兩
梓膏

山茱萸肉

乾山藥各四兩

牡丹皮

白茯苓

澤瀉各三兩

熟附子一兩

肉桂去皮
一兩

右為末和地黃膏加煉蜜丸桐子大每服三錢空心食前

滾湯下去附子名七味丸
去桂附名六味丸

還少丹 大補心腎脾胃一切虛損

乾山藥

牛膝酒浸

遠志去心

山茱萸去核 白茯苓

五味子烘

巴戟酒浸
去心

肉蓯蓉酒浸
去甲

石菖蒲 楮實

杜仲薑汁酒
炒斷絲

舶茴香各一兩

枸杞子烘

熟地黃各二兩

為末煉蜜丸如桐子大每服三錢温酒或鹽湯下日三服

久服令人悅顏輕健不老

酸棗仁湯

治心腎不交怔忡恍惚夜臥不安精血虛耗脾胃世為

酸棗仁

一錢五分

遠志肉

黃耆

蜜水炒

蓮肉

去心 人參

當歸

酒炒

白茯苓

茯神

各一錢

陳皮

甘草

炙各五分

水二鍾薑三片棗一枚煎一鍾日三服

心熱者加黃連生地黃麥門冬木通

白朮散

治脾胃虛寒嘔吐泄瀉食少胸滿

白朮

土炒 人參

草果

厚樸

酒浸炒

肉果

麴透

陳皮

木香

麥蘖

炒各一錢

甘草

炙五分

水二鍾薑五片棗二枚煎一鍾服

小甘露飲

治脾癆實熱身黃咽痛

黃芩

一錢 升麻

五分 茵陳

一錢

山梔

八分

桔梗

炒六分

生地黃

五分 石斛

二錢

甘草

四分

水鍾半薑五片煎八分服

溫肺湯 治肺癆虛寒胸滿冷痛

人參 一錢

甘草 四分

半夏

肉桂

橘紅

乾薑 炒各八分

木香 五分

水鍾半煎八分服

涼肺湯 治肺癆實熱欬喘急

知母 炒去毛

貝母

天門冬 去心

麥門冬 各一錢半

黃芩

橘紅 各一錢

甘草 五分

桑皮 八分

水鍾半煎八分服

溫腎丸 治腎癆虛寒腰痛足軟遺濁

熟地黃

酒煮

杜仲 炒去絲

兔絲子

石斛

去根

黃耆

續斷

肉桂 去皮

磁石 煨醋

牛膝 去蘆

沉香 別研

五加皮

山藥 炒各一兩

右為未用雄羊腎兩對葱椒酒煮爛入酒及地黃膏為丸
如梧子大每服五錢空心酒下

涼腎湯 治腎癆實熱腹脹耳聾

生地黄 三錢

赤茯苓 一錢

玄參 一錢

遠志 一錢 去木知母 八分 酒炒

黃柏 六分 酒炒

水鍾半煎八分服

人參養榮湯

治脾肺俱虛發熱惡寒倦怠泄瀉
種種虛證勿論其脈但用此湯

白芍藥 一錢 人參 五分

陳皮

黃耆 蜜炙

桂心

當歸

白朮 土炒

甘草 炙各一錢

熟地黄

五味子 炒

茯苓 各八分

遠志肉 五分

水二鍾薑三片棗二枚煎服

逍遙散

治血虛煩熱肢體疼痛口乾盜汗嗜
臥月水不調寒熱如瘧痰嗽骨蒸

白茯苓

白朮 土炒

當歸

白芍藥 酒炒 柴胡 各一錢

甘草 炙五分

水鍾半薑三片煎八分服

加山梔牡丹皮
名加味逍遙散

清骨散 治骨蒸熱

銀柴胡一錢五分 胡黃連

秦艽

鼈甲醋炙

青蒿

地骨皮 知母各一錢

甘草五分

水二鍾煎一種食遠服

三才封髓丹 降心火益腎水

天門冬去心 熟地黃

人參各五兩

黃檗酒炒

砂仁各三兩

甘草一兩五錢

爲末麩糊丸桐子大每服五錢肉蓯蓉五錢切片酒一鍾

煎二三沸去渣空心送下

生脉散 治火旺金虛倦怠煩渴

人參一錢去蘆 麥門冬三錢去心 五味子三分杵

水一鍾煎八分服

猪脂丸 肌體羸瘦服之即肥其效如神

牡蠣煨

白朮各四兩

苦參三兩

為細末以猪脂一具煑極爛研如膏和丸如桐子大每服

三錢米飲送下日三服

調中益氣湯

黃耆錢一

人參

甘草炙

當歸

白朮各五錢

五味子十五粒

柴胡

白芍藥炒

升麻二分

橘皮三分

水鍾半煎八分食前溫服

蘇子降氣湯

治虛陽上攻氣不升降痰涎壅盛胸膈時塞并久年肺氣至效

蘇子炒

半夏

泡各二分前胡去蘆

甘草炙

厚樸薑汁炒

橘紅去日各一錢

當歸

去蘆一分沉香七分

水二鍾薑三片煎一鍾服

虛人加黃耆一錢肉桂五分

人參飲子

脾胃虛弱氣虛倦怠衄血吐血

人參去蘆二錢

五味子二十

錢

黃耆去蘆

麥門冬去心

白芍藥炒

當歸身各一錢五分

甘草錢

錢

水二鍾煎一鍾食遠服

四生丸 治吐血衄血

生荷葉

生艾葉

側柏葉

生地黄

各等分

搗爛丸如雞子每服一九水煎去渣服

大阿膠丸 治嗽血吐血

阿膠微炒

卷栢

生地黄

大薊

獨根

雞蘇葉

五味子各一

栢子仁另研

錢

茯苓

百部

遠志

去木

人參

麥門冬去心

錢

防風

各一兩

乾山藥

一兩

熟地黄

兩

為末煉蜜丸如彈子大煎麥門冬湯嚼一九

犀角地黄湯

治大熱血積胸中

犀角

大黃各一

錢

黃芩

三

黃連

二

生地黄

四

水一鍾煎一鍾食後服

茅花湯

治鼻衄不止

茅花錢五

水一鍾煎六分服

百花膏

治癆嗽吐血

欵冬花

百合蒸焙等分

爲末蜜丸龍眼大每服一九臨臥薑湯嚼下

噲化丸

治癆嗽有效

玉露霜

柿霜

貝母

百合各二兩

白茯苓

海石各一兩

甘草五錢

秋石二錢

入薄荷葉細末白礪砂少許煉蜜丸如龍眼大每噲化爲丸

新定清寧膏

潤肺不傷脾補脾不礙肺余所新定者也九癆

嗽吐血必不可缺極有效驗

麥門冬去心十兩 生地黃酒炒十兩 廣橘紅三兩 桔梗二兩 甘草二兩

龍眼肉八兩

煎成膏加苡仁八兩淘淨 川貝母二兩糯米拌炒 真蘇州薄荷米熟去米

荷淨葉五錢忌火俱為細末拌勻煎膏時時挑置口中噙化

肺癰神湯肺癰者癆傷氣血內有積熱外受風寒胸中滿急隱

滑數或實大凡患者右脇按之必痛但服此湯未成即消已成即潰已潰即愈此余新定屢用屢驗者也

桔梗二錢 金銀花一錢 薏苡仁五錢 甘草節一錢

黃耆一錢 貝母一錢 甜葶藶八分 陳皮一錢 白芨一錢

水二鍾薑一片煎一鍾食後徐徐服新起如所風一錢去

者潰後加入人參一錢久不斂加合歡皮一名夜合一錢

十灰散 一切血證用此止之

大薊 小薊 荷葉 側柏葉 茅根

茜根

櫻櫚皮

大黃

牡丹皮

山梔各等分

各燒灰存性研細碗蓋於地一宿藕汁調服

白鳳膏

治久癆積虛咳嗽痰血蒸熱困倦

黑嘴白鴨一隻

大京棗二升

陳煑酒一瓶

參苓平胃散一升

參苓平胃散

參苓平胃散

參苓平胃散

將鴨縛定量病人飲酒多少以酒盪盪割開鴨頂滴血入

酒飲之直入肺經受補將鴨去毛於肺邊開一孔取去腸

雜拭淨次將棗去核每個中納參苓散填滿鴨腹中麻線

紫定沙鍋內用水慢煨將酒三次添入以乾為度但食共

棗參湯送之或同鴨肉搗丸服

芎歸血餘散

治傳屍癆瘵去鬼殺蟲

室女頂門生髮

一小團皂角湯洗淨醋浸一宿晒乾紙燃火燒存性

川芎五錢

當歸三錢

木香

桃仁

去皮炒各二錢

安息香

雄黃

各一錢

全蝎

二枚

江上大鯉魚生取頭醋炙

右爲末分四服每服并水一大碗淨室中煎七分入紅硬

降真香末五分燒北斗符入藥月初五更空心向北仰天

咒曰療神療神害我生人吾奉 帝勅服藥保身急急如

律令咒五遍面北服藥畢南面吸生氣入口腹中燒降香置床下午時又如前服藥

北斗

符式

勅



用黃紙一方新筆淨水研透明

硃砂書此符書時念前北斗咒

鼈甲生犀散

殺癆蟲取下惡物

天靈蓋

一具男者色不赤可用女者色赤不用檀香煎湯候冷洗咒曰雷公靈雷公聖逢傳屍卽須應急急如律

令咒七遍說

生鼈甲

一枚

虎長牙

二枚

安息香

桃仁

去皮炒

檳榔

各五錢

生犀角

木香

甘遂

降真香

乾漆

炒存性

阿魏

酒浸研各三錢

雷光

錢二

穿山甲

取趾醋炙

全蝎

三個

蚯蚓

十條生研和藥

右爲末每服五錢先用豉心四十九粒東向桃李桑梅小
稍各二莖長七寸生藍青七葉青蒿一小握葱白連根洗
五莖石相內同杵用井水一碗半煎取一盞入童便一盞
內藥未煎取七分入麝一字月初旬五更空心溫服卽以
被覆取汗恐汗中有細虫軟帛拭之卽焚其帛少時必瀉
以淨桶盛急鉗取虫烈火焚之並收入磁瓶中雄黃蓋之
以瓦油盞鐵線紫定泥固埋深山中絕人行處

道臆經曰每值庚申日其夜不睡守之至曉屍蟲不能爲害三
守庚申三屍長絕每夜叩齒三十六通左手捧心呼三屍之名
上屍彭琚出中屍彭瓚出下屍彭璠出令不得爲害常以庚申
去手甲丑日去足甲每年七月十六日將所去手足甲燒灰和

水服之三屍九虫皆滅

王氣短出中氣短出... 山民十六日... 三屍九虫皆滅

凡人年滿... 水服之法... 凡服此法... 凡人年滿... 水服之法... 凡服此法...

醫宗必讀卷六終

凡服此法... 凡人年滿... 水服之法... 凡服此法...